





陳夢雷字省齋福建侯官人康熙庚戌進  
士官編修見古文彙鈔初集卷三十五

序

古稱三立以立言為次之  
次非謂易也蓋難之矣夫  
言也者身之章也苟非德  
與功並懋是欲其木之實  
而披其根流之遠者而塞





其源烏足貴哉松鶴翁早  
以文名於世受

聖主之知而所遭坎壈能處之  
晏然顛沛流離間道力日  
益進建白日益奇著述日  
益富顧人焉而與天爭而

天亦成其所以為人者也  
德與功時若晦焉而世乃  
爭以文人目之豈知其昭  
昭者自終古乎而翁亦不  
妨自以文名乃集其所為  
詩文若干卷梓焉吾聞之



不知文者視其人吾非知  
文者嘗觀其為人也其神  
閑其志定休乎其容浩然  
其氣抱忠孝之真寓和平  
之意舉凡窮達得失好惡  
是非一不足以累其心空

空乎洞洞乎行所當行止  
所當止其為文也亦若是  
焉已矣殆所謂根深者木  
茂源遠者流長與今者曳  
履

朱門馳情丹壑即抱終焉之



志難辭則駕之時德乎功  
乎與言並永稱曰不朽其  
在斯乎其在此乎  
壬辰中秋前三日

上清掌籙秀水楚師序

序

丙辰之歲余得晤省齋於  
許氏之拜雲樓時方在蒹  
葭白露中結山榛隰蒼之  
想余每次導之以返本歸  
真而省齋意在有所建豎



以報

知遇固匆，未能也。嗣後入  
都，席藁行李，蕭蕭旅店，頽  
垣江干，潦漲以至，銀錯圜  
土，風雪邊城。余每默左右  
之，而省齋不知，唯與親友

談詩論文，或從方外探元  
論道，時每津，余不置。夫  
桑門不三宿，桑下余方外  
也。寧獨私憐於省齋，亦  
何為者？大抵天地間，唯此  
忠孝至性，動天地而感鬼



神省齋其有以感之矣詩  
文在閩中作者多余所鑒  
定其在留都及京邸之作  
古失彙編之纂余亦嘗寓  
目焉大抵字之根於子臣  
弟友血誠非獨揚鑿藝苑

樹檝騷壇而已人情貴遠  
賤近後之君子讀其所著  
述自有擊節嘆賞甚且有  
扼腕思一傾倒之而不可  
得者何俟予言

嘗



康熙癸巳陽月之吉

九天府掌籙錢塘喬逸

人題

序

自古勞人志士遭時坎壈  
其抑塞磊落之氣無所表  
見往往發而為文太史公  
稱虞卿非窮愁不能著書  
而昌黎亦言柳子厚斥不



久窮不極其文學詞章必  
不能自力以致必傳於後  
設以彼易此則孰得孰失  
必有能辨之者同年陳省  
齋先生間闕塞外十有餘  
年蒙

恩賜環

召入禁近侍

誠親王殿下輔導先後以文  
章為職業先生於是研精  
覃思撰集類書三千餘卷  
牢籠三才囊括萬有此書



成於以藏之名山傳之其人  
洵不朽之盛業矣茲松  
鶴堂集若干卷則先生平  
居宴游寫懷述事與夫揚  
推古今衡論人物之作俱  
在其辭宏博與衍疏暢有

達而於君臣朋友之際三  
鼓意焉憤激而不怒怨誹  
而不傷其愛君忠國之思  
惓々乎若有不能一日舍  
然者蓋余循環久之不覺  
慨然而歎也夫同一事親



也徐庶之奔母君子不以  
為不忠同一事君也趙苞  
之破賊君子直謂之不孝  
勢有緩急情有重輕未可  
執一而論也當耿逆畔先  
生之父母俱被幽繫與其

慷慨潔身不若委曲以報  
國於是招說客結死士離  
其腹心潰其黨羽屢間道  
遣使密陳方略阻於兵不  
得達賊平論定豈曰無功  
而乃吏議見侵謫書莫辨



投荒萬里飲血十年久之  
公論大白於中朝孤忠上  
迴於

天聽玉門有生還之

詔梁苑邀特達之知晝接便蕃  
寵錫優渥雖宣室之疇咨

平臺之轉對苦心調護裨  
益弘多而先生則已息影  
杜機不交人事惟日事鉛  
槧以文章報知遇而已矣  
古之君子或建功於當時  
或立名於後世一也先生



負間出之才鬱々無所試  
自經憂患學益老識益深  
洞視萬古立言垂範設使  
先生都顯榮享高位或且  
驅走權勢何暇以餘力從  
事著述即或自附作者其

所著述亦必不能卓々如  
先生之所成也然則先生  
之不遇何足患嗚呼此韓  
公所以致慨於彼此得失  
之間有以也余與先生交  
窮久知窮深既幸其志節



之晚得大白而尤喜其文  
之必傳於後世也世有桓  
譚必以我為知言矣

婁江年弟王揆頓首拜撰

松鶴山房文集序

從來慷慨就義易委曲調停難委曲調停易始終善  
全難蓋潔躬行已遇難殉身以顯高節者微特士君  
子能致命以遂其所志雖婦人女子感一時之憤發  
激烈之情者亦皆能之至于外險內順境逆心亨顛  
倒是非而不顧抑鬱情懷而不伸良工心苦則有難  
以語人者也雖然天下事亦有心為之而為之固未  
必能終其事者即終其事矣而未必究能成其功者  
果能心為之而不計迹之顯晦名之全虧而竭智力  
之巧運萬全之奇始終籌畫務底於成是又不僅於



委曲調停已也若此者吾獨於省齋先生見之焉先生負不世之才英年掇高第素履文章爲京師爭重癸丑秋八月告假奉親歸里明年三月遭耿逆之變父母兄弟舉家盡被幽繫在先生自處何難殺身成仁而先生識見高遠預知耿逆之必敗與其徒死無濟於事孰若委曲報

國

全父母兄弟以成功於是招說客結死士離其腹心潰其黨羽遣使間道密陳方略竟阻於兵未能直達是天所以困先生也及賊平論起吏議見侵謗書莫辨反致投荒萬里飲血十餘年天之困先生者蓋至是而窮哉乃久之公論大白孤忠上

聞蒙

賜環

名入

禁庭侍

皇三子殿下輔導先後以文章爲職業先生學博而精

事簡而當善體人情曲盡物理覃詳研思撰集彙編三千餘卷剖裂三才囊括萬有自漢唐以來未曾有而復以忠孝節義之懷散而見之於篇什若松鶴山房詩文囑余爲序者余讀之知先生之心與行矯矯



宇宙間使執筆時惟知序先生詩文而不能悉其委曲始終之大概所謂讀其書不知其人可乎至於集中凡目之所睹耳之所聞足之所履意之所及或歌或泣或嘯或狂見之者未有不知其爲淵珠畹蘭終有不能湮沒者又何俟予之贅語也嗟夫英雄退步俯仰隨人磅礴英華憂憤所積先人而憂後世之懼傷心淚落何一非至性所鍾若夫遯世無悶樂天知命是又在先生之自處則余所不能測先生矣余何能爲斯集序哉長白弟能古圖拜書

松鶴山房文集序

司馬子長游覽名山大川而後成一家之文文者心之聲也行乎所當行止乎其所不得不止非開拓其心志則氣不振然山川者天地之恒象也人生而不閱乎窮通憂樂榮辱死生之變則其識不堅凡欲養其氣廣其識要非治心不能 省齋先生向脫西曹單車就道吾兩人判袂都門俱壯歲二十年後復聚首長安顧我貧病衰老幾不可復識而先生亦修髯玉立頗不似當日尪羸纖弱之狀握手凝睇旣悲且慰坐我半圃齋中撫今感昔暇日出別後所爲古文



辭若干卷見示疏啓策論序記箴銘騷賦體例該備而行文如江河浩瀚一碧萬頃何氣之雄也根柢經史條貫百家上下四千餘年成毀利鈍如視諸掌每決一策皆可起而行何其識之堅也綜覈名理研窮品彙細之入無隙大之彌六合又何心之精也無他先生居山陬海澨六千里而至京師出關復數千里激昂窮邊絕塞其間名山大川較之子長所歷奚翅十倍弱冠卽以能文顯名南國通籍金門慨然以斯世自任未幾遭世多故舉家三十口坐困嚴城老親穉弱惴惴啼號而讎人虎視一歲瀕死者三四孱焉

瘠病介乎兵刃之間而得當報稱之思百沮而不撓幸而事定則又心跡難明銜哀緩死其所閱歷貧賤以之通顯百死而得一生舉凡史冊所載遭遇之奇功罪之致無一不身親而備嘗之故能言之鑿鑿又何疑哉人情履順而席尊寵則不期驕而驕至及乎榮辱得喪則尤怨生焉驕且怨和平之音斯鮮矣先生境遇皆極人世萬不能堪者而其文一無哀厲衰耄之色倘亦所謂窮而益工者耶是蓋不然先生少而壯壯而老榮而辱窮而達而其心之所存內則痛衰白之在堂上則感



知遇之莫報宛轉於死生呼吸鋒刃猜忌之餘隱忍於  
幽囚斧鉞屈身毀行之辱卒之荒徼孤蹤授徒講學  
空山卜築盡室勤耕時與黃冠野老量雨課晴所求  
惟出世外身長存久視之道今奉

召南  
旋入侍

邸

第不特置恩仇失得於度外卽身家之計亦不過盡  
倫樂天以期順時觀物一切榮悴毀譽曾無足以動  
其憧憧之往來者心體大定以養其氣而浩然廣其  
識而凝然發爲文章若川岳之流峙雲霞之卷舒文  
行而志明文止而意無盡讀者毋僅攬其問學之廣

淵才華之富瞻實可以考鏡其行事想見其生平是  
有待於知人論世云

南蘭同學教弟楊文言拜撰



序

閩爲東南都會控引大洋襟喉崇嶺山川磅礴委積  
近古以來雖代不乏人實未足以盡扶輿鍾毓之靈  
煒自髫齡知省齋陳先生爲海內所推重至己丑仲  
夏始獲晉謁仰瞻丰範敬承誨導始知數千年山川  
鍾毓之靈今見其真矣先生於甲寅給假旋里陷於  
耿逆賊脅以父母親族追求附已托病閉門始終不  
屈日夜圖謀竭忠盡智糾合同心離間逆黨耿逆由  
此窮蹙投誠逆黨挾恨寃誣致謫留都及戊寅  
東巡召對竟日深明其寃載之還都命侍

皇上



誠親王出入宮闈

宸翰

御物累賜無已如松高枝葉茂鶴老羽毛新之聯尤為炫人耳目每奉

溫綸

恩賜輒喜而不寐蓋先生素以天下為己任喜其道之得行也至今雖未立於廟朝而屢有幹旋乾坤之力所學浩浩無涯往古之書皆已讀之矣凡有關於道統治化象緯典制者悉考訂為彙編為卷三千六百有奇至此集十二冊則皆平昔盱衡今古與夫往返唱酬之作其中籌策陳謨盡發於天時人事之先立言建議一振以大呂黃鍾之節匡濟之具亦時見

一斑焉嗟乎先生之心天地不熄之心也先生之言聖賢不易之言也煒也何幸獨得捧讀不敢妄為之叙謹識斯言以誌不忘

峕

康熙己丑秋仲奉天同學弟李煒拜撰



序

世界文字不從人倫上着眼皆第二乘 省齋先生  
曠世奇才遭時不幸有

君而忠不得達有親而喪不得奔戀

君慕親滿腔熱血皆於詩文發之吁 先生今日幸矣

君知先生矣

誠郡王賜詩有詩感帝王心事白之句豈獨先生感激

皇恩鄉之人老幼歡呼以爲覆盆孤臣得見天日先生戀

君之心庶幾無負也鄉之人更翹首

天家放先生假歸稽首二老墳前再歸



闕廷  
君爲國

鞠躬盡瘁先生慕親之心應再快乎吁此鄉人不知體之言先生尊人知大義生前惟以先生不得見憾九泉中得

賜環

之信自當瞑目先生卽未得稽首墳前亦可無憾也

余更有進焉先生全集悲歌慷慨直上追古人然皆不得志之作今日處安履順効力

內

廷當必有如七月之獻一德之陳以上報

國

家庶於人倫中作和平文字更爲上乘也野老不知

文區區私願果有當焉否也

康熙庚辰三月同學弟林皦拜題

序

余讀省齋先生騷賦詩篇古文詞諸作不禁悲慨交集憤懣煩結當食而不下也夫古今之作者衆矣事物外至之華容或得施其矯飾至於性情之際則有斷然不能以僞爲者蓋人之言本諸心出於氣著於詞心正則氣足氣足則詞暢是故聖賢之言經而則儒者之言醇而藹豪傑之言壯而激其麗而典博而肆者文人之言也而圓而辯而譎而刻而戾而訐似直而實枉似通而實窒者策士奸人之言也察乎其心視乎其氣徵乎其言而其人平生瞭然矣今觀



先生詩文語語性情根心忠孝纏綿愷摯篤於君親  
慷慨激烈之氣可以貫金石動鬼神而迺心跡莫白  
橫被惡名竄處窮荒履冰且慕風木有懷痛隔萬里  
舉人世不幸之事而皆萃於一身此余所爲悲慨憤  
懣深疑彼蒼之難問也間嘗細究先生得罪始末事  
由同列某某方賊勢張時某某以欲仗策軍門籌於  
先生先生呵止之造膝三日密謀反正先生以爲耿  
逆背

國

違天雖強易弱且其羽翼不過數人吾今在內當令  
自相疑貳解散黨援爾家去賊遠蠟表易達請師

天朝

間道直入破賊不難丈夫卽死死國耳蓋是時賊有  
謀士某先生已深結納爲用逆宗解體海帥爭地皆  
有可間之隙故先生云云某某尚恐不勝禍叵測先  
生誓以一家殉之約始定某某歸而猶豫旣見先生  
計行賊勢日削促膝之言無一不售遂懷媚嫉之心  
又以仗策前事爲嫌間關通表不列先生姓名密謀  
請師之舉壅於

上

聞未幾閩境底定某某以通表之故不次進階先生  
則以

詔

獄逮矣某某懼先生之終泄其事甘言疏護面諾背



違下石飛矢罔遺餘力至謂先生不能死賊爲憾嗟乎人臣處國家畔亂之秋獨秉孤忠見危致命爲一已名節計至便也若才足有爲徐圖進取隱忍依人權以濟事壯繆見禮於奸操朱序啣命於符堅嗣後三分佐蜀一呼敗秦載美史冊身名俱全君子尤有取焉且當耿逆始亂之日縉紳士族風偃茅靡援圖讖謀推戴者比比皆是先生以一文弱書生抗言不拜引疾辭職斯其監立固已卓矣况又陽託杜門陰用反間離其腹心挑釁強援率之鄰敵外攻逆黨內潰

王

師得乘鷁蚌之勢長驅入關賊徒窮促面縛自歸幽穢旣滌日月復光先生三年報

國

之心謂可釋然而無餘憾矣功高不賞大罰隨之冤繫窮年卒就嚴譴在昔吳曦之變楊巨源糾合死士潛圖舉義不旋踵而誅曦其功雖爲安丙所抑身死其手然自源之後壯夫激立艸野揜挽投匭上書公論以定賜廟贈諡慕義無窮先生被繫日久事益著舉朝咸知其冤無有一訟言於

廷

者以至

天

聽未回臣衷尚隱鬱鬱壯懷沉淪關塞豈非幸則爲



巨源不幸則爲先生幾何不令人悲慨憤懣當食不  
下哉故余嘗謂先生策甚祕功甚奇心甚苦而受禍  
則甚酷猶幸詩文寄託得以備徵忠孝之情又復靳  
不示人引咎自責無幾微怨懟見於顏面然後知先  
生志氣清明學問深造近且閉戶著書銳意聖賢之  
業無論文人儒者之名非所樂受卽就先生行事目  
以豪傑亦淺之乎知先生矣先生擬騷之作逼似靈  
均賦與古風頡頏魏晉近體宗初唐擺脫凡俗長篇  
排律規模少陵古文縝整浸淫班范二公間世固有  
能辨之者余不具論特著其表表大節以附篇後云

峇

康熙丙寅歲仲冬同里後學黃鶯來謹序



璐以樗櫟孤根浪跡海外讀

先生之文耳

先生之遇感嘆之懷形諸寤寐思一

謁見末由也辛卯孟夏乃得謁

先生于松鶴山房

齋聯

王

宮離暢春苑五里許榆柳千株清流激湍映帶左右

珍樓傑閣縹緗萬疊蓋

誠

親王結構以居

先生者也

先生弱冠而掇巍科

蹊步而登中秘才名風度已蓋一時續以奉親歸里

履蹈危機卒能爲

國

竭誠



君親不負雖遭困阨而

聖主

特達之知千秋無兩四科則仰止其三五倫而獨優其四乃知天厄先生之遇正所以成先生之學也故能使曾藏萬卷筆絕纖塵其爲文如水立山飛如天高海闊如珠聯璧合如雪舞雲翔庾子山之哀詞愴神駭矚江文通之別緒蕩魄銷魂者矣若夫琢詞鍊字則體合於自然適意遐思則破啼以爲笑託隱諷于微言不失溫厚和平之旨終揚風而屹雅莫非忠

君愛

國之心真屈宋之精華非僅班揚之瞻麗也雅頌風騷之後惟見此集真足以黻黼

皇猷

羽翼聖經大哉言乎璐安能測其涯際哉

溫陵後學諸葛璐拜讀於金臺旅次



松鶴山房詩集卷之一目錄

四言古

題寧海將軍底定全閩圖

五言古

乙卯擬古十九首有序

西郊雜咏二十首

寄答李厚庵百韻

戊午春入都請罪施介平又韓追送江干詩以謝之



華嚴嶺

鄭肇修先生移居適以筆頭命書因賦短章寫其高致

贈燕臺張翁 有引

黃叔威以古詩八首見贈擬古妾薄命以答之治蔬即事

送孫嘯夫和留別原韻

題畫

為顧宗伯題畫三首

有所聞

贈李銘原

辛卯春抱病銘原親治羹以餉余令兒子往拜謝此後不敢當因賦此示之

半圃八玩詩

四望車

續繩轡

刪煩榻

不動几



讓領冠

蟹目鞮

九罭被

支足盆

四言古

題寧海將軍底定全閩圖八章章十句

寧海將軍奉詔征閩三年而八郡用又婦子盈寧

耕桑不擾物情既謹頌聲爰作其詞曰

於皇上天眷茲南土崧岳萃精爰生申甫累葉崇勳  
旂常鐘簴忠勤保世式廓洪緒載輯海邦丕奠爾宇

其二

維此南國敢踵鬼方實戾作狂式拒顏行

帝曰念哉元老其勳取殘柔遠克惠母戕保茲黔首撻伐



用光。

其三

元戎稽首稟製造。征錄矛旣瑩。彤弓旣弮。如熊如螭。  
如震如轟。匪棘厥庸。匪耀厥聲。  
皇仁。是保巨憝。攸平。

其四

虎臣矯矯。獻馘獲醜。元惡來思。稽角泥首。欣此髻穉。  
慶及黃耆。有粢盈簞。有漿盈缶。王師勞止。式餉毋後。  
其五

百粵旣通。嶺表攸同。息蘖滋癰。狡侵我墉。塹堦櫛沐。  
陟彼龍嶼。匪缺我戕。匪挾我弓。羣醜宵奔。爰奏厥功。  
其六

川岳效職。永奠南溟。飛鶚革音。爰憩我庭。疆圉是清。  
婦子是寧。銍艾胥登。黍稷維馨。爾牧蕃庶。樂彼郊坰。  
其七

鴻鴈于飛。中澤爰止。饗餐斯懲。瘡痍斯起。懋遷載途。  
禮讓敦只。我蠶我筐。我牢我豕。擊鼓吹豳。嘉會燕喜。  
其八



皇仁。

初。山。蒼。蒼。閩。海。湯。湯。我。公。之。勳。既。溥。且。長。公。歸。稽。首。  
孔。彰。秬。鬯。圭。瓚。永。錫。嘉。祥。頌。聲。載。賡。奕。世。彌。昌。  
得。一。道。人。曰。此。等。聲。牙。藻。繪。俱。非。所。宜。淳。古。淡。泊。斯。  
近。二。雅。貌。古。者。不。知。也。

陳世承曰本領從三百篇中來故自深厚不當于  
字句中求之

五言古

乙卯擬古詩十九首 有序

蓋聞陳思才誇繡虎規七發以咀華江郎筆豔奇  
葩綜百家而擬製鮑明遠代新詞于樂府班孟堅  
演舊體于連珠皆想逸風雲情閒翰墨故能移宮  
變羽廣陵復覩遺音異曲同工白雪不爲孤響者  
也若夫舒幽寄惋促節繁聲複綜其詞乖迂其旨  
義雖始于三百篇調實新于十九首彼其古柏白  
楊痛甚於湘蘭沅芷黃姑織女望深於北斗南箕



遊仙異郭氏之虛真飲酒豈阮生之晦迹泣鬼神  
于長夜飛霜雪于毫端所以冠冕五言權輿百代  
寄遠懷人資其香草閨情古意掉彼波瀾他若陸  
平原倒海雄思韋應物焚香清興間或摹範未覩  
超羣豈鬻工絕世苧蘿獨標窮巷之姿抑情戚由  
中雍門難作無心之泣歟嗚呼姓名隱矣懸膈日  
星陵谷遷歟鏤貞金石遂使寡鵠羈雌聞聲愴類  
孤臣怨客觸緒銷魂飛將軍冠髮指天數奇何恨  
李少卿刀環委地一當難言子形凝碧何辭碎樂

器以捐軀備隊後軍自可呼敗師而脫足所痛者  
王陵身非漢地郝普責異專城哀趙苞之八口事  
難遂于龔生病摩詰之三年恨不殊于崔篆覆巢  
奚惜方寸何堪填海徒勞虞淵無路望靡蕪而不  
見指河水以爲盟西江汲遠神傷涸轍之魚北極  
雲深夢斷上林之鴈蠟書旣阻恨賦徒然未暇庾  
信之哀江南且共屈平之悲往日膏沐誰容何事  
鏤金錯采朽苴恨晚慙言酌雅揚風旣愴河山之  
殊不禁邯鄲之步但惜迴文錦就誰迎蘇蕙之車



縱使遊學蹤還孰甦紫玉之魄歌以當哭留碧血  
於他年古直作今續騷魂於往代云爾

得一道人曰字字血淚觸手珠璣其上下千古皆經  
設身處地然後落筆非局外人所能輕為軒輊也  
黃叔威曰鍊詞琢句已極精工而其氣雄邁迅逸  
如天馬趁趨絕塵躡影不可名狀

行行重行行

高樹動悲風。行子怨離別。握手訂歸期。與君未永訣。  
浮雲蔽白日。光景倏明滅。關河阻重深。寒威多雨雪。

欲濟無津梁。吞聲自嗟咽。歲月已悠悠。懼君不我屑。  
飛鴈逐風翔。行轅有還轍。努力強加餐。相期未忍絕。  
得一道人曰自傷自慰一往情深音節確在東西京  
之間

青青河畔草

離離萬丈松。青青兔絲草。兔絲附長松。托根自美好。  
結髮與君知。相要以終老。何當一分手。棄置在遠道。  
道遠自相違。非君不我寶。中夜常涕零。憂思不可掃。  
相見應有期。安得辭枯槁。



李亦庵曰妙在相諒不似熱中一味潑罵

青青陵上栢

巉巉崖下石。鬱鬱振喬柯。枝幹上干雲。結蓋自摩挲。  
巍巍新宮闕。百雉聳嵯峨。甲第互長虹。擁節復鳴珂。  
金張連羽蓋。許史互經過。繡轂錯朱輪。夾道擁笙歌。  
來日常苦短。去日常苦多。得志在一朝。不樂復如何。  
喬大師曰與魏武短歌相伯仲

王方穀曰一絢絲亦自有見

今日良宴會

佳會難再遇。置酒在高堂。翩翩貴游子。列坐飛瓊觴。  
天天桃李姿。顧盼生容光。清歌發皓齒。妙節協笙簧。  
同心諧所願。慨慷殊未央。人生貴適志。戚戚何所妨。  
行樂當及時。此意未可忘。

喬大師曰說得極豪華終以淡筆妙妙

王方穀曰會得古人意思全在起結處

西北有高樓

青樓當大道。高入浮雲端。繡戶間朱扉。翠幕玉闌干。  
樓上有佳人。長嘯氣若蘭。援琴奏清商。苦調寡所歡。



飛鳥不忍鳴。行道為辛酸。曲終悲未竟。對案不能餐。  
胡為自局促。矢志各有難。知音良未易。中夜獨永嘆。  
喬大師曰。不啻江上峯青。

得一道人曰。頓挫入古格。調之高。可與知者道。

涉江採芙蓉

叢桂南山岡。隨風香自遠。採之遺所思。白日忽已晚。  
道路阻且長。常恐芳馨損。桂樹多苦心。素交恃貞悃。  
江湖行路難。驅車仍復返。

王方穀曰。奇矯無前用意。亦別。

黃叔威曰。章短意長。旃檀片片如此。等作求之。古人亦不可多得。

明月皎夜光

涼風掃庭柯。玉露紛已盈。秋月自揚輝。河漢互空明。  
洞房枕席冷。寒蛩向我鳴。念我同心友。憂思常苦并。  
金石豈不固。寒暑移爾情。憶昔握手歡。恩愛若同生。  
願君貞初志。努力全令名。

黃叔威曰。清曠之懷。貞介之操。風馬水車。無此峻

響



冉冉孤生竹

幽蘭在空谷。馥馥吐奇芳。宜充君子佩。柰何棄路傍。  
良人遠行役。各在天一方。道遠不可致。採取將何望。  
秋風動地起。百草委嚴霜。馨香難久恃。引領情內傷。  
黃叔威曰。香氣馥馥在十指上。

庭中有奇樹

嚴冬陰氣肅。寒風鳴樹枝。庭前有丹橘。朱實何離離。  
傲然霜雪中。獨秀見奇姿。偏疑地氣暖。造化不無私。  
珍重襲藏之。聊以慰所思。

王方毅曰。別具心眼。橫絕古今。

迢迢牽牛星

秋至夜何長。憂來孰與語。攬衣步空庭。搔首徒延佇。  
牽牛處河東。河西閑織女。雲漢爛清光。佳期渺何許。  
永夜遙相望。誰云應共處。引領東方明。心煩無復緒。  
黃叔威曰。激揚發越。繞梁餘音。

迴車駕言邁

驅車郭門外。徙倚聊消憂。仰視浮雲馳。俯觀江水流。  
志業縱有待。壯陰不我留。奄忽霜露至。零落歸山丘。



立名恥不早。偃蹇昔所羞。返駕掩重關。中心思若抽。  
黃叔威曰。氣滿骨堅。壯懷磊落。中宵詠此。輒覺唾

壺欲碎。

東城高且長。

代馬嘶朔風。晨風鬱北林。物理感必應。聲氣自相尋。  
燕趙有佳麗。清歌橫素琴。心煩多亂曲。柱促多苦音。  
忽覩鴻鴈飛。棲彼北山岑。願言傅爾足。寫我萬里心。  
逸翮杳冥冥。涕下獨沾襟。

王方穀曰。接得奇幻。

黃叔威曰。左顧右盼。如見曹劉。

驅車上東門。

步出東門外。古塚荒草驕。殘碣臥青苔。松風自蕭蕭。  
幽室闇無光。遊魂不可招。疇昔強盛時。結駟復聯鑣。  
流光如電摧。潛寐不復朝。壯志無有極。形化終寂寥。  
哀彼勞勞人。長使我心恟。  
喬大師曰。莊子達生篇化出。

去者日以疎。

死骨日以朽。壯顏日以醜。造化爲洪爐。萬物爲芻狗。



百年同一瞬。豈復論先後。自非金石堅。安得言悠久。  
達士貴長生。形神自相守。冥心歸太虛。天地與同壽。  
遺世如浮煙。得失復何有。  
喬大師曰。神仙縹緲之機。恍惚紙上。  
得一道人曰。是个中人語。

王方穀曰。便欲擊碎唾壺矣。

黃叔威曰。妙語可入叅同。真是骨裏青玉手。探朱霞也。

生年不滿百

神仙不可學。羽化無畱形。乘風遊太虛。此事終杳冥。  
藏精營丹鼎。蒼鬢忽已星。吾聞飲美酒。可以制頽齡。  
永日恣揮觴。沉醉勿復醒。

黃叔威曰。達處如柴桑。

凜凜歲云暮

驚風起四郊。陽光將西匿。雨雪紛霏霏。思君何惻惻。  
德音已相違。夢想見容色。潔饌進盤飧。願君強飲食。  
陳說苦別難。君爲我嘆息。雞聲入我夢。一寤何由得。  
涕泗下滂沱。憂思不可極。啼鳥中夜飛。恨我無羽翼。



得一道人曰繁音促節不堪多讀但覺紙上悲風瑟  
瑟

王方穀曰寫夢入真繪空鏤影

黃叔威曰比沈休文夢中不識路何以慰相思更  
具深情

孟冬寒氣至

嚴冬變氣候寒威何凜冽嘆息念征夫無事久離別  
昔別君有贈素絲皎如雪絲紛猶可治素質不可涅  
縱無塵垢汚斑斑淚如血起坐擁重衾挽作同心結

願言藏懷袖藉此明高節

黃叔威曰格調俱古

客自遠方來

客自遠方來遺我連城璧願我以堅貞勗我以清白  
疇昔與君知抗言談在昔陰陽有代謝情性弗可易  
山川中險艱與君成阻隔此言猶在耳此志寧有數  
爲我謝故人我心終匪石

王方穀曰烈日秋霜寒泉介石

黃叔威曰老氣縱橫深入化境



明月何皎皎

明月何皎皎。虛室延清光。長嘆至雞鳴。獨起心徬徨。  
天狼耀其精。弧矢不敢張。河漢已西逝。北斗忽低昂。  
愁思不可極。涕泗沾衣裳。引領天已曙。佇立望穹蒼。  
喬大師曰十九首之古詩亦偶也。因其光怪陸離奇  
思磊落。後人不能蹈其尺武。卽謂之古詩十九首  
而已。然有古詩十九首可以無今人之十九首。而  
有古詩十九首又不妨有今人之十九首。今讀先  
生之十九首。又可不必古人之十九首。嗟夫人各

有心孰謂今人之不同于古人也。托物寄興一往  
情深。覺出師陳情諸作。更爲板腐。而山榛隰苓之  
思。鑄成風雅。先生乎。試令美人善賡者。于夜月孤  
燈之下。一一爲先生賡之。余亦將擊碎玉壺矣。  
得一道人曰。擬古詩人之常耳。至十九首。則不必擬  
何也。無此忠孝本領。則不必擬。無此深厚蘊藉之  
思。則不必擬。無此淳古淡泊之色之味。則不必擬。  
蓋奇思警句。或可刻意雕鏤爲之。此三者非用力  
可能也。六朝以來作此者衆矣。大抵如此序所云。



能以身入其中始知作者之自許非妄要未可爲  
門外漢道也

王方穀曰摹古之家率得蘭亭面耳惟杜子美離  
絕遠去可稱一往奔詣細讀諸篇又何其似孟  
東野耶更別開一生面矣

黃叔威曰十九首所以難者其高古深渾不作鏡  
劃之語而意味無窮耐人尋繹也先生諸作高  
者已似漢代次亦不失爲嗣宗太冲非六朝唐  
人以下比也何意近代復聽雲門九成耶快絕

西郊雜咏

歲乙卯季冬爲先曾祖營葬于西郊歲云暮矣苦  
雨淒風荒墳蔓草觸事興懷遂多感慨漫筆成章  
無復倫次昔步兵咏懷靖節飲酒寄情遐遠辭旨  
超邁非敢追蹤昔賢聊抒情愫已爾

驅車西郭外極目碧天際寒日慘無光朔風何凜厲  
百草委嚴霜枯樹徒紛翳返睠南山岡挺生有叢桂  
孤芳獨未歇凌空自搖曳策杖往幽尋心傷遂掩袂  
喬大師曰淡雋帶凄其煞得情深



其二

薄暮山氣佳。夕陽含清暉。緩步尋幽勝。悞入荆棘圍。  
餘光闇將夕。露零霑我衣。夜深月影黑。道遠不得歸。  
安得凌風翼。奮翅起高飛。

黃叔威曰文通擬陶何其似也

其三

嚴冬多陰雲。微雨時蕩滌。愁人當永夜。但聞聲滴瀝。  
輾轉不能寐。靜坐憶所歷。珠玉在塵埃。何必非瓦礫。  
俯仰念物化。萬慮此俱寂。

王方穀曰真境兼是達言

黃叔威曰寂歷幽清如聽寒巖激瀑

其四

重陰閉已極。朔風慘怒號。灌木鬱參天。連根爲拔倒。  
神龍久藏蟄。老蛟逞威暴。魍魎羣跳躍。狐狸相叫噪。  
擁衾不敢寐。中心傷且悼。

喬大師曰笑啼不敢之中中懷若訴

其五

霜氣挾寒威。瀰漫遍阡陌。晨起望近郊。茫茫千頃白。



木。鶴。山。房。詩。集。  
重。陰。多。肅。殺。摧。氣。搖。松。栢。貞。心。耐。寒。歲。造。化。不。能。易。  
陽。輝。昇。景。耀。蒼。翠。加。潤。澤。

王方穀曰疾風勁草嚴霜貞木

其六

微。雨。喜。初。霽。酒。酣。江。復。清。散。髮。山。之。阿。遠。聽。擢。歌。聲。  
晚。風。吹。我。袖。策。杖。返。柴。荆。我。生。已。如。此。豈。復。圖。令。名。  
養。拙。安。貧。賤。聊。復。稱。我。情。

得一道人曰與陶爲化入靖節集中誰能辨者

其七

幽。靜。愛。山。居。近。村。亦。易。足。寒。月。富。桑。麻。酒。酣。歌。相。續。  
國。賦。早。輸。辦。不。受。公。庭。辱。徵。求。縱。煩。苛。道。遠。難。拘。束。  
閑。憩。大。樹。陰。臥。看。牛。抵。觸。

喬大師曰托旨高遠

李亦菴曰毒罵又冷笑

黃叔威曰真樸近古

其八

晨。興。四。顧。望。列。塚。何。崔。嵬。殘。碑。沉。蔓。草。石。几。卧。青。苔。  
昔。時。閩。越。王。宮。闕。列。高。臺。今。日。重。泉。下。玉。椁。化。寒。灰。



木窟山房詩集  
貴賤同丘壟。豪強安在哉。逐逐今世人。悠悠使我哀。  
黃叔威曰。氣骨高張。宛然青蓮。

其九

灌木動悲風。殘雲迷孤嶼。古塚竄荆榛。野魂應獨處。  
孤兔臥高岡。穴中多蒼鼠。寒雨滴空山。石人相對語。  
人生寄一世。奄忽如逆旅。念彼平生時。亦復多儔侶。  
感此情悽愴。憂來無復緒。

得一道人曰。讀到此一切雄心。應須灰冷。

王方穀曰。極似李長吉謝臯羽之作。

黃叔威曰。峭逸奇警。力追正始。

其十

晝歡常苦短。夜愁常苦長。披衣出戶視。列宿紛成行。  
天狼燦精光。弧矢不敢張。南箕北有斗。終古永相望。  
天道已如此。我思何茫茫。感慨不能寐。涕下沾衣裳。  
喬大師曰。苦心徬徨。如見。

其十一

村舍鷄再鳴。農人知天曙。驅車返室廬。老親多問語。  
郭外冒風霜。念爾恒獨處。勞倦應苦饑。酒肉宜饜飫。



一飯甫終畢。束裝仍復去。子行未寸步。親心千萬慮。  
迴首意遲遲。欲行未忍遽。

得一道人曰。遊子不能多讀。誰道得真切。至此

王方穀曰。孟東野三春寸草之句。不過爾爾。

其十二

明月皎夜光。憂來孰與伍。良友不在茲。念之情如撫。  
西園千樹梅。含芳多未吐。伊人當此夜。唧觴不可數。  
烟樹隔沉冥。蒼茫杳難覩。縱知相憶心。未識相憶苦。  
黃叔威曰。結句古調淵穆。

其十三

北溟有鯤魚。揚鬣三千里。隨風逐洪波。一朝東南徙。  
震蕩撼九天。地軸爲崩圯。陷身入淤泥。不若鯁與鯉。  
何如養神威。潛伏淵潭底。

王方穀曰。枯魚過河泣。寄言魴與鯉。

其十四

鴻鵠羣南飛。千里共盤桓。望林俱投棲。各自適所安。  
其一爲雌伏。憂患不可干。弋人方見逐。聳翮入雲端。  
一投網羅中。臨風思振翰。樊籠不可騁。且復自摧殘。



松嶺山房詩集  
悠悠行路人掩涕以相看

黃叔威曰陳思野田黃雀行後唯此爲近

其十五

代馬涉流沙東南萬里行中道一失羣宵若喪其精  
牧圉加羈紲玉勒飾繁纓伏櫪不忍食北風常悲鳴  
中夜長呼嘯駑駘皆震驚何當臨故道飛鞚越重城  
摧鋒陷堅敵寧論死與生

喬大師曰其真無馬耶可發三嘆

其十六

我昔探幽勝足跡遍名山仙人乘白鶴引我入雲間  
絳節夾朱幢鳴珂愉且閑容華煥神光顧盼多令顏  
飲我紫芝漿授我白玉環天上不可極人間任往還  
一自隔雲霄蒼茫不可攀引領願多違涕下空潺湲  
喬大師曰正意側出妙不可言神仙飄拂之機溢流

紙上

其十七

入山採靈藥山中多芳草採之遺所思悠悠在遠道  
道遠難同心懼君不我寶人非金石固豈得長壽考



松徑山房詩集  
蓄志苦難伸。歲月忽已老。飲酒聊悲歌。且復寬懷抱。  
喬大師曰：此心難言。

其十八

大樂不可復。遺器在古琴。吳叟得其真。授我清虛吟。  
調高識更寡。城市孰賞音。抱琴山之阿。撫絃感我心。  
一彈再三奏。悲風動遠林。巖巖青山高。蕩蕩江水深。  
曲終歸至靜。元化渺難尋。

喬大師曰：讀此如聞指上奏。洞天春曉。

黃叔威曰：一結悠然。

其十九

行年二十五。衰病日見侵。達人觀元化。屏慮以全真。  
任運寡所營。胡乃勞其神。心迹不相從。我思難具陳。  
昔人甘疾首。此意良苦辛。

黃叔威曰：縹緲清虛中含哀憤。先生詩外固別有事在也。

其二十

二儀更迭運。河漢昇復傾。陽光時隱耀。陰魄有虧盈。  
至人洞化機。憂思復何營。易卦有明夷。蒙難尚堅貞。



天道不可問所貴在精誠

喬大師曰參到此雖吉凶進退存亡已于精誠二字  
紅爐一點先生入于道矣

又曰阮之嘯非狂也陶之咏非率也一往情深真無  
聊賴大抵感憤之章正妙在無段落無次第歷歷  
言之能使觀者涕頤交下此所謂情深者不必工  
詞而詞之工有自然而工者此屈子離騷不厭重  
複先生其釀陶而膾阮矣試取向灘頭葉葉擲之  
予恐蛟龍不敢吞也

得一道人曰直抒曾臆或泣或歌中有百折不回之  
氣動天地感鬼神在此時矣然從此盤錯交加會  
無寧日豈真彼蒼之藐藐哉有志者從此處參透  
骨力始堅然未可為常人道也

王方穀曰二十首之中兼有陳伯玉張曲江感遇  
及儲王二家偶然作之妙知其含蘊者莫測

寄答李厚庵百韻 丁巳夏仲

鴻鵠矯青冥。咫尺視八荒。鍛羽嬰罽罽。物理不可量。  
我昔少年日。秉志負貞剛。高氣遂違俗。慷慨多激昂。



讀史嗟少卿。族殞名亦僵。摩詰凝碧池。何如一樂倡。  
論古非細苛。烈節自有常。妖氛瀰日月。陷穽自貽殃。  
臨危思致命。斯義久煌煌。罵賊慕常山。不憚為國殤。  
顧念天性恩。沉痛迫中腸。瘠顏稱痼疾。遯迹托緇黃。  
孤鳶挾腐鼠。嚇我共趨蹌。女子身從夫。身玷寧自戕。  
丈夫異巾幗。所志各有將。惡草疑楚師。疾呼敗苻羌。  
鸚鵡折其翼。反周亦為唐。忍辱苟有就。豈復惜行藏。  
隻手難回天。心苦獨徬徨。脫身思遠引。束縛加羈縲。  
天威自有赫。三年定鬼方。功不從我顯。始願亦已償。

甘心伏斧鑕為

國

肅紀綱。瀝血陳剴詞。激切感天潢。高厚

聖主

恩覆載。荷汪洋。溝瀆延視息。俯仰皆慙惶。與君千里  
隔。惘若魂有亡。己分生死訣。乍見為傾觴。君節誠不  
虧。鼓枻咏滄浪。蠟書達

北闕

義聲動廟廊。傳聞多恍惚。贈我盈縹緗。吞聲不忍答。  
恐非名教芳。貞心苟自諒。不藉史筆揚。天地豈不廣。  
日月豈不光。運會遘屯塞。恥復述短長。高堂雙白髮。  
所急在糗糧。四壁如長卿。承歡乏水漿。



君親

兩不報興言涕成行君答謂我語何必守故疆清溪  
稱奇勝風土亦泱泱麋鹿足山珍水多鱖與魴子盍  
行往觀卜築碧峯傍我意爲君開促駕束嚴裝道經  
龍江隈云是近戰場空山寒白骨落日照頽牆黔首  
亦何辜掩袂增悲涼跋涉積晨夕溪流遙相望山川  
紛糾盤佳氣亦蒼蒼精廬隱深竹荔蔭覆廻塘猶子  
喜通謁因知世德昌君家有大阮雄辨挾風霜談深  
夜不厭素月落東廂昆季皆奇偉天家待棟樑精思  
張平子博雅蔡中郎玉樹秀紛錯姻婭盡珪璋比屋

聞絃歌童叟樸以莊豈繫德星聚自是君子鄉人文  
旣披挹巖谷恣翱翔探泉凌絕巘渡澗涉飛梁短棹  
蕩中流度曲協笙簧酒酣天風來清興欲飄颺忽計  
倚閭久言歸架小航歸來述此况聊以慰高堂結茅  
雖未許中情愉且康離懷縈遠夢中夜起如狂南望  
舊遊地烟樹隔微茫何以酬嘉惠摛詞代篚筐我意  
良苦辛詞促意不彰君今際雲衢矯首奮騰驤我本  
野鶴姿鹿門自徜徉浮榮非我羨君母爲我傷  
方求衣宵旰問未央書生愧兜鍪何以効劬南山

聖主



有朱鳥其名為鳳凰。高梧奉且萋。引吭鳴高岡。仁心敷惠質。景運協休祥。非藉五彩姿。為國輝文章。君自識此意。納牖義所當。西征鼙鼓震。久戍缺斧戕。哀哉楚與蜀。沉淪刀箭鉞。安得盡李郭。捷伐早用張。輸輓恃東南。閭閻竭橐囊。鞭撻致芻藁。半蝕蝨與蝗。但聞歌碩鼠。無復咏甘棠。外患不足殄。內匱實可防。海濱子遺黎。披雲望

帝閭

供億苦經營。婦子甘糟糠。殘喘尚未蘇。剜膚重補瘡。翩翩多紈袴。撫字愧循良。賣刀未買犢。餘孽復披猖。

天光

衆志未成城。瘋憂實以瘁。徹蔀屋寧俟。開廩倉貪風。苟不戢。無以掃欃槍。醫急亦治標。緩恐入膏肓。監門尚有繪。忌諱安所妨。君行應努力。寒谷待初暘。我跡雖江湖。

國

恩詎忍忘對人說。忠孝努力事耕桑。願崇干羽舞。車書共一匡。動皇天。今始降豐穰。

聖德

喬大師曰。友人書不盡意。摘辭可以動天地。今人心古人致鐵膽。石肝鏤作字。塊磊臨風月。明千里誰



能倚劍嘯長天傳君意

得一道人曰語皆通達治體有關根本之論老杜北  
征之後再見此作措身無地反憂天此所以感泣  
鬼神也自叙光明正大千載下可以共見共諒彼  
鬼蜮首鼠者何足道哉

王方穀曰忠孝性成令人骨驚心折一身自分如  
張儉四海何人識孔融

李亦庵曰怨而不怒哀而不傷心細氣平如見其  
人此真古詩不必擬古也

黃叔威曰一起矯健叙亂後相聚情緒如見此處  
得少陵神髓過接處有變化君字我字隨處穿  
插極錯綜之妙忽入時事則絕大本領

又曰長篇古風最忌平鋪直叙冗多爲累似此錯  
綜變化轉側流宕千言猶少矣人但知其脫胎  
少陵經濟蘊藉不知其寢食于漢魏者深故極  
開豁莽蒼之氣拈出以正于具法眼者

戊午春入都請罪施介平又韓追送江干詩以  
謝之



葩卉謝榛林。幽篁挺清陰。不歷寒暑節。焉知君子心。  
握手少年交。相期各忠厚。噓沫幸相濡。意氣復何有。  
邁會不可常。意氣自可長。共濟涉波險。咫尺不相將。  
波險幸共越。同舟亦未覆。手足不相藉。忠信亦可睦。  
天天桃李花。榮落無久妍。疏者各飛揚。親者強周旋。  
周旋一何苦。色態一何詡。恩深恐累深。此道孰終古。  
交君兄弟晚。乃在亂離後。堂上有貧交。入門多素友。  
與君結識時。心口無侈詞。貧賤終久要。今昔未參差。  
春風吹江水。客子心萬里。追送江之干。貽贈馨如芷。

貽贈匪所珍。所珍人意深。

君親

師友。思念之涕淫淫。明發隔雲山。相思日遼闊。遊子  
念高堂。藉爾問饑渴。

得一道人曰。交道至此可嘆可憐。

王方穀曰。幽秀俊逸兼儲王之勝。

黃叔威曰。清真樸雅古風之遺。

華嚴嶺 戊午季秋

五嶽峙方州。臺峯爭鼎闢。疊嶂凌空冥。蒼茫烟霧隔。  
東麓聳華嚴。奇兀分主客。遠望但陰翳。遠趾憚躡屐。



飄風怒崩崖奔泉咽亂石徑轉漸窈深千尋列檜栢  
雜樹紛榛蕪衰草互狼籍披荆歷磊砢天地忽迫窄  
羣巒相束縛嗟峨懸峭壁林杪逗日光掩靄如將夕  
出谷謂窮際危峯尚如戟其巔若可躋縈迴極盤躡  
四顧寂無聲樵蘇不留迹落葉墮空山如聞人咳喏  
草樹此俱枯窮寒絕地脉清非神明都險實虎豹宅  
僕馬俱已疲停鞍聊躡躑俯視所歷峯點點但空碧  
日昃下層岡遙遙度阡陌居人驚我來相問咸踧躅  
此山實奧阻往來道不借驚獸恣吞噬壯夫亦裂魄

回首意悄然雄懷爲不懌丈夫志四方乾坤寧跼蹐  
登臨戒高深步趨亦謹擇旣非事王程胡爲輕自適  
高堂方寸心寒暑未安席履坦猶多虞聞此心魂坼  
戒哉人子軀無事慎行役

得一道人曰爲將當有怯時况爲人子者哉有關世  
教之篇不但賞其刻畫奇險之工而已

王方穀曰不在雕鑿奇險而在命意深厚一結是  
仁孝人語

黃叔威曰寫景深細如觀柳州諸記



鄭肇修先生移居適以筮頭命書因賦短章寫

其高致 庚申孟夏

晴旭澹秋光。惠風揚佳吹。脩然陋巷清。高人移居至。  
衆鳥任啁啾。庭槐自疎翠。囂囂市塵中。遠結羲農意。  
金馬二十年。聲華若恐累。非云托知希。澹泊或少愧。  
君國多厚期。雕蟲敢自致。閉戶問前修。詩書虞廢墜。  
存此無營心。寡過亦明志。白雲在青天。舒卷成高寄。  
蒼蒼松栢姿。巍巍棟樑備。  
得一道人曰。命意高。氣格高。聲調亦高。不似魏晉人。

語却非唐宋以下人能道

贈燕臺張翁 有引

辛酉秋季余以謠詠坐繫西曹積歷歲時。洊更寒暑。驛置傳餐。獨誌當時之雅。園牆設榻。祇邀孺子之來。而此外金石舊交。反致雨雲易態。羊左之盟。既爽。蘇暴之迹。遂踈。雀言何補。疇申魯獄之冤。虎氣每騰。孰辨豐城之彩。燕臺輔宸。張翁者。偶從邂逅。得荷咨嗟。遂結綢繆。有逾夙昔。嘆脫驂之無路。聊納橐以申勸。觀其往復再三。慰藉終始。寧止識



窮士于蘆中飯。王孫于澤畔已也。報慙瓊玖情托  
詠歌。紀茲德音。彌增感慨。

寒鴈甘稻梁。羈客感壺漿。契闊念舊知。新交增感傷。  
金臺霜雪暮。但聽飄風度。難挽暴公車。徒嘆揚朱路。  
岐路莫言故。陌路莫言新。針芥豈須同。淄澠貴識真。  
燕趙多慷慨。杳杳前期在。圖報愧王孫。高風自千載。  
黃叔威曰。引典確詩雋拔可誦。

丁卯初夏黃叔威以古詩八首見贈。擬古妾薄  
命以答之。

邊城多悲風。夏首寒猶積。急管雜繁聲。哀歌動羈客。  
借問歌者誰。無乃蕩子妻。窮巷有佳人。前訴欲含啼。  
自言良家子。十三工織素。十五善裁衣。慧心兼款步。  
嫵婉及良辰。幸得事郎君。靜好諧所願。白首訂慇懃。  
悠悠歲月晚。漫漫關河遠。握別事歸寧。臨岐多繾綣。  
回首暗風塵。霜雪阻河津。已分身從夫。奈何戀所親。  
巖險不可越。川廣不可沒。妾淚如崩泉。妾心如明月。  
蛾眉起愛憎。白璧玷青蠅。君子聽非偏。契闊信無徵。  
上天無私覆。日月無私照。心傷分棄捐。心痛不可療。



匪痛髮無沐匪痛容無澤巾櫛誰代司君子情無懌  
竊聞東鄰姊盛顏世所稀含吐氣若蘭綽約嬌羅衣  
少小工織錦天章麗雲漢裁爲黼黻裳火龍同爛熳  
如何守幽貞不字十年婢安得彼美姿一慰君子情  
阿姊識我意粲然啓玉齒阿妹意良苦古義何所似  
昔有秋胡妻心乖寧自戕安能忍垢辱他計行與藏  
亦有谷風詩梁笥斲所遺柰何躬弗閱復惠所後爲  
妾身如夢中恍惚縈心魂一聞阿姊言涕泗如河奔  
君子非我捐妾行自多咎速殞亦明心懼傷君子厚

妾義無可贖妾心安忍訣流蘇翠羽帳差奉後人悅  
阿姊善事之百歲以爲期勿訝妾薄命嘉會故遲遲  
賣珠聊止饑牽蘿聊補屋甘心償昔愆安得辭梵獨  
孤獸走索羣寡鵠號及晨我命實不猶我意良苦辛  
訴畢縱悲歌永夜泣幽咽邊風動地來長夏爲飛雪  
得一道人曰秋胡行之古茂廬江小吏妻之傷感實  
兩兼之至于忠厚悱惻悲婉纏綿當駕谷風而上  
可嘆者年來流蘇羽帳不知奉幾許人而曲背賣  
珠白頭補屋幾不知有地老天荒海枯石爛者他



日字字當成碧血也

治蔬卽事 戊辰秋仲

蟬聲變氣候。秋風動羈客。儒者亦治生。先民言自昔。  
貧賤安吾素。作苦良有獲。力謝南畝農。半園聊自適。  
鑿井喜逢源。經緯寄阡陌。桔槔豈藏機。抱甕勞稍釋。  
炎威尚餘猛。翹首望甘液。有滄夕時蒸。應候沛天澤。  
新韭茁其英。佳菘擢盈尺。凌晨啓華門。一望但空碧。  
荷鋤聊四顧。嘉蔬在所擇。非種謹芟除。碩果毋再摘。  
側聞西鄰叟。今歲豐禾麥。幸哉免饑寒。庶無嗟落魄。

得一道人曰學問經濟綱紀激揚具見尺幅中

送孫嘯夫和留別原韻 乙亥孟秋

浙水與遼山。曠望邈何極。伊人感知遇。策蹇長城北。  
南溟神變化。扶搖豐羽翼。紫氣燭巫閭。輕車自遠適。  
既具五采姿。兼挾搏風力。寧復寄藩籬。聊假六月息。  
龍門托高枝。瑞竹採嘉實。引吭協宮商。嚙嚙動原隰。  
長白東北來。千峯皆劣削。亂流梁水濱。几席如可卽。  
疊嶂松杉橫。寒巖苔蘚積。春漲看扶犁。秋原望力穡。  
杖履往從之。邊城饒野色。與君有夙訂。未酬常反側。



旅夢逼晨雞。鄉思何太亟。丈夫志四海。寧為岐路泣。  
何以代綰紵。寸衷多歎仄。八紘振天綱。鴻飛應有弋。  
翮羽天路翔。雲中幸相憶。  
得一道人曰。平常酬應之作。却自秀潔不俗。今人行  
裝中如此者。亦不可多得。

題畫

槐影點晴莎。長堤堪步履。澄潭秋氣清。獨立聽流水。  
童子採花來。盈頭亦可喜。尺幅寫高蹤。喜同余所寄。  
豈曰避世情。徜徉聊已矣。

為顧宗伯題畫

甲申夏季

蘭生在幽谷。奇芳何馥郁。同向春風榮。恥隨凡草族。  
車塵不能侵。馬足非所蹴。猗靡連九畹。蒼翠被原陸。  
行客無復採。何如麥與菽。高士何為者。依依頻顧復。  
雖未薦馨香。且用媚幽獨。得地非當門。未必不為福。  
得一道人曰。含蓄無盡已。參到此何須棒喝。

其二

中立一峯秀。眾松增其媚。結茅峯之麓。倒影溪光翠。  
維舟松陰下。杖屨同幽寄。誰為作此圖。瀟然見高致。



其三

霜飛秋樹紅。返照萬峯夕。同志幸不孤。相邀共泉石。  
嘯傲北窓中。竹聲來枕席。况復戶外松。亭亭聳空碧。  
既堪自怡悅。亦足娛嘉客。豈曰傲軒冕。物性各有適。  
得一道人曰。摩詰得意之作。自是性情近之。

有所聞

乙酉孟春

翰音竟登天。鼯鼠升高屋。天道豈茫昧。陰陽有往復。  
履坦亦何憂。鳴豫寧真福。君子道其常。自信在幽獨。  
仰視彼浮雲。無關我心曲。

贈李銘原

天馬負權奇。威鳳殊凡彩。末俗嫉高軌。見少宜多怪。  
君具倜儻才。抗志超九垓。盤錯未設施。貝錦乃成災。  
天光照覆盆。

溫綸

滿重垢。投閑匪棄擲。將以大所受。俟羸朱亥徒。激義  
竟捐軀。

君父

覆載恩窮達。寧論歟壯也。不如人非急。孰求子將伯。  
待時呼念之。堪涕泗良賈。豈慢藏善戰無勇功。匡濟  
亦偶然。明哲庶保終。意氣辨貞邪。但當慎取舍。大義



光大壤持以報識者

得一道人曰剖心瀝膽之言皆可貫金石非泛泛酬贈之比得此者自非常人

辛卯春抱病銘原親治羹以餉余令兒子往拜謝此後不敢當因賦此示之

友道貴先施輕重各有宜祭肉與車馬拜否義當知。通財可酬答千金所不辭自非事二人羞膳未親之。有施終莫報受能無忸怩余生賦命薄故交末多睽。願言保終始久敬何敢違。

半圃八玩詩 壬辰孟春

銘原博雅好古每笑松鶴老人之俗老人言余齋中古玩不乏未暇出相賞耳俗紀勝多賦八景余請賦半圃八玩詩君先為品題之

四聖車

襄歲初承

恩幸得侍

朱邸

尚方分玉饌平臺許借騎書生筋力疲蹉跌幾不起自



此。遂。乘。車。安。驅。喜。無。事。在。苒。歷。歲。月。寧。復。問。軒。輕。輪。  
轅。經。屢。易。巾。幕。之。新。製。朔。風。迎。面。慄。夏。月。增。炎。氣。何。  
必。復。褰。帷。四。望。無。遺。睇。都。邑。多。英。豪。一。閱。盡。奇。異。流。  
覽。遍。閭。閻。隱。觸。納。溝。志。金。象。侈。華。飾。繡。弗。巾。幘。矣。何。  
如。此。太。樸。殷。輅。實。遺。制。安。得。起。少。君。回。挽。成。歸。計。  
得。一。道。人。曰。玩。好。皆。無。用。之。物。耳。此。車。却。具。許。多。經。  
濟。如。何。非。寶。

續繩轡

駕車必資馬。馬取平臺牧。關外舊轡勒。取用亦自足。

歲月既浸久。皮革非初服。百結類鶉衣。纍纍漸局促。  
誰爲斷鞞者。中道車幾覆。所賴賢僕人。應變有倉卒。  
道左棄斷繩。急取聊相續。巨細雖不倫。控御已有術。  
折柳復代鞭。長驅並繡轂。

得一道人曰。應變倉卒便是真寶。所寶惟賢。卽此可。  
悟遊戲中皆有寓意。未見到此。莫讀此詩。

刪煩榻

古人重設榻。仲舉有遺風。易椅自何代。支節乃加工。  
脆弱易傾折。久暫用不同。余寓既屢遷。什器頗不充。



移運經再三。堅固難保終。殘缺費補苴。零落莫可窮。  
余謂器適用。體製貴相通。但取四足具。聊爲座客供。  
揩背與拊手。何必過尊崇。煩枝刪去之。蕩平復正中。  
三。四。五。六。並。床。榻。將。無。同。坐。久。可。舒。膝。兼。堪。臥。老。翁。  
不。復。名。以。杌。體。大。號。宜。隆。慎。勿。哂。吾。陋。惜。物。恒。致。豐。  
先。哲。有。遺。言。敗。事。可。爲。功。

得一道人曰。旋乾轉坤。手段略見一斑。

不動几

賜宅在城北。此宅本華胄。扈

輝

詣西郊。別業多榆柳。一歲雖屢遷。安居得無咎。什器  
本至微。急需未可後。彼此皆羅列。庶幾免奔走。以此  
竭趙囊。資生或過厚。隨時置一二。餘可謀親舊。姻家  
出典郡。器物宜輻輳。僅遺余一几。餘悉他人有。置余  
齋東偏。客至陳簋豆。一僕欲徙之。驚呼幾脫肘。將伯  
亟助余。支吾資衆手。盤飧幸未傾。四足離窠臼。衆僕  
競扶持。僅瀉數杯酒。余笑爲撫掌。用器如擇友。所因  
不失親。庶幾不相負。寄托良不輕。奈何用彼婦。天地  
無棄物。仁人弘造就。永鎮東南隅。長依壁與牖。著述



任度置名山與同壽

得一道人曰詼諧處方令人絕倒忽發大議論使人  
整冠肅容對之

讓領冠

前代貂珥尊八座不輕得我

朝  
恩至溥貴賤或相逼其用雖僭越佳貂亦難獲余自  
入關來及門爲我德紫光堪耀日觀者咸嘖嘖以此  
侍

朱

邸儀觀加顯赫歷年一紀餘吾領爲之賊領卑剛以

侵冠尊讓以默其前祇乏采其後已成革立諸粲粲  
中頗受人指摘冠夜夢告余君心無乃窄天數以十  
二虞帝分疆陌計予侍夫子歷數逾其則雖乏彈冠  
慶亦少免冠責官久體尊崇人老少血脉器古稱寶  
玩服舊多劈裂願從君乞休且就歸藏國見留勉推  
戴幸勿加聲色遽然枕上驚東方忽已白

得一道人曰奇幻入化莊生之鯤鵬屈氏之山鬼後  
世之乞巧送窮又別開一生面矣

又曰後赤壁賦覺多一答語此等真所謂下筆若有



神僅以遊戲視之則失之矣

蟹目襪

襪制傳自古

國朝獨華靡。紫鳳及天吳。膝腠增姿麗。吾襪皆布素。不欲炫奇異。冬月好就爐。日久易垢敝。趾踵竊窺人。幾如蟹延睇。暑月納涼宜。御冬爲失理。憶昔在遼左。鰥居少僕婢。天潢延作師。寒暑歷三季。吾友顧虎頭。思予必遣騎。一朝賓朋會。冒雪來招致。忍凍馳到門。虎頭驚且喜。急呼來就火。脫靴暖足易。予意尚逡巡。欲脫

復徙倚。虎頭仰天笑。予足必垢膩。予答足否否。襪驚衆目視。虎頭促命僕。亟持新襪至。予謂新毋庸。但求襪有底。大衆爲闐堂。笑聲猶在耳。今則沐

皇恩出入侍

朱邸入侍有賜衣。退食何必爾。偶然失縫紉。已非昔日比。試較卜子衣。上配東郭履。要自有等差。請君爲次第。

得一道人曰。人但知其借賓形。主用筆之妙。而不知此數十年中。落寞潦倒。衣敝履穿。人所視爲窮蹙。



不可一朝居者此獨恬然不以一毫動其曾次却  
用淡筆一一描出真五濁世界中遊戲神通手段  
未易窺其涯際也

九罭被

昔人稱內助余意頗不然吾輩天地間安資彼婦賢  
計自失偶來事事費周旋或謂婦職曠猶意此言偏  
假令無米炊難責巧婦燃余性怯冬寒兩被必相連  
自冬歷春仲垢膩頗不鮮既無他被易浣濯亦無緣  
余昔嘗入侍

王出詣東偏道遇

皇

七子同步余榻前展帳撫牀褥覆被有敗氈

王

笑令揭視泥黑欲侵綿相對一撫掌此事殊堪傳余

聞亦小報易被今多年舊單不復改歲月仍屢遷每  
臥必跣踏失足恐爲穿世風久則薄吾被豈能堅初  
疑猿挂樹忽聽鳥驚弦松蘿疑蝶夢罽網類魚潛九  
罭名何取思紹哀繡賢牛衣卿相貴長枕弟兄眠易  
世皆佳話何須戚戚焉放言非玩世聊掩細君愆  
得一道人曰安資彼婦賢一語原自過當後之狼狽



皆此語之報應也。讀結語始知前鬆語之妙。

又曰：古人陋巷簞瓢，只博一易世佳話。念及此一切火坑地獄，皆可作清涼世界矣。是謂善用其所苦，支足盆。

遼左承

恩遇。

寵渥異尋常。儉人生猜忌。機穽早施張。豫囑諸中涓。初至慎為防。比予親詣。

闕。

詔問

居何方時適

御晚

膳受囑者在傍。跪言奴輩宅實在苑東牆。比隨使。回置屋買田庄。

賜

宅皆可給。兼能備糗糧。

天顏

為之喜且

勅

善護將旦晚。行宣召服飾。令輝煌。承

詔

駕四車為余運資裝。既至與一室。僅容一匡牀。指言

此牆外有宅。君相當。歲暮難遷徙。來春定可望。一切君服用。吾家皆可商。僕馬與芻豆。吾皆為紀綱。聞此喜過望。涕泗復徬徨。



君恩何以報入謝淚汪洋叩首

關門外未得覲

天閭歸來頗自疑閉戶暫徜徉是時有識者聞此爲倉

皇寄言此虎口君慮宜周詳余答謂有天柰何彼城倉自此所供億大抵多荒唐豈意時未久其家自罹殃萋菲莫可問余已侍

天潢此盆彼所贈折足固無傷贈亦由

君賜敢不慎收藏八磚支以二鳧脛可令長但期無覆餗

何必計低昂物倘以人重他年亦有光安知百世後

不列鼎彝傍

得一道人曰信筆遊戲之中而史家之叙事法家之

斷案畫家之寫正面傍面莊生之寓言釋氏之幻

化無一不備而高懷達識厚道深情經綸康濟亦

無意不周真一莖草丈六金身一粒粟三千世界

手段使人拍案叫絕之餘細味之當肅然起敬

松鶴老人曰銘原好爲五言古詩余抱病銘原不

得視余而相念不置因作此以慰之見余之勿

藥也而銘原殊不悅且責余曰昌黎柳州並驅



而世或亞柳者以柳集中如黔無驢等篇好爲  
遊戲也君將爲人矜式者柰何作此盍毀之予  
悚然久之而囿于文人氣習不忍棄也銘原立  
志遠大而資性方嚴今雖落拓無聊而邪穢之  
語不出于口菹博之具不接于目使當代而真  
有程朱諸夫子以進于道作游楊黃蔡諸君子  
無難良可惜也今存此詩仍述銘原之戒以見  
吾之平日服膺非阿所好而世俗之謠詠未可  
以論人也

方扶南以題房山老人邃壑圖五言古詩屬和

因步其韻

秋官老尚書品峻千仞壁拂袖西山麓朝野咸咨惜  
探奇鑿鴻濛地軸爲開坼雙嵯嶷青嶂天與娛晨夕  
名勝自千古托躬在所擇白雲足怡心胡麻堪餉客  
尋花展可供觀瀑杖須策道存蹟自高肥遯非假借  
陋彼挾鼠鴟應憐畏人齟品地試權衡倍蕤復什百  
風流謝安石曠邈陶貞白客爲圖輞川卧遊在几席  
箕穎不可攀披閱神差適方干負俊姿佳句人膾炙



骨為幽貞。屈才為巖壑。役殫精。寫深翠。遠想摹空碧。  
如仰峯。峻嶒如聞泉。激射問君何能爾。從遊在夙昔。  
謝公歸別墅。携我共泉石。展卷清風來。神區如再闢。  
迴巒曲徑間。杖屨經行迹。安得邀裴王。苦思共雕畫。  
琢句盡聲牙。畱題兼波磔。三絕置座右。庶幾我心獲。  
我謂君望奢。慎勿縈胃膈。雞黍將有獻。莫作饑彪嚇。  
遷客歸來久。潦倒長安陌。惆悵和君詩。悠然思振翮。  
水曲棹漁舟。荒園修鶴柵。長嘯傲東山。閉戶點周易。  
得一道人曰。步韻詩以遊戲。問答出之自然處。難及

松鶴山房詩集卷之二目錄

七言古

松樹為風雨所拔嘆

贈黃西津總戎海澄

劍俠

題友人墨竹

行路難

海門行

西婦行



贈朱雪崖

吳菽原扇頭賈生畫菊竹二種索題

寧海將軍仙霞奪隘圖

寧海將軍背水鏖兵圖

吳都統招郊外釣魚阻雨走筆寄覺道弘

贈祥符令毛鶴舫

建寧謝節婦

賀兼思自五臺迎婚霸州

西曹坐繫爲獄中某額駙扇書

心月上人有收骨之行歌以贈之

戴雙城先生扇頭墨竹

戴文開扇頭山水二首

題山海關圖

戴文開扇頭畫

辛未初夏同戴文開楊玉符二先生從遊諸子

南郊射飲醉歌

徐周臣以琴見贈歌以謝之

題吳門徐生望紅集戲學盧李體



金文瀾谷岳修果圖

鐵式之書室

金若干為式之以楮作書函貼壁間屬余題句

壁間楮作秋桐葉

壽徐元賓

體元以扇頭蘆鴈索題因憶兩弟感賦

吳道人扇畫菊

甲戌仲夏定侯以畫扇屬書感賦

泛小舟渡遼水過劉叟居處歌以壯之

江上女郎歌題畫

題扇頭美人

題扇頭畫

代祝輔國公太妃

又扇頭美人

洞天春曉圖

宗室輔國公奉天官民送別圖

題畫漁家樂

許月溪歲寒書屋



木鶴山房詩集

為顧宗伯題畫二首

蒙

賜御書恭紀

聖恩歌

送蕭道人回吉水

顧宗伯有徘徊青史案之句命為書扇

挽東甌陳貞女

驥仲以西山遙寄圖索題書以示之

宿梁家園見諸公和坡公戲子由韻學步書懷

七言古

松樹為風雨所拔歎 乙卯孟秋

城南山半古梵宮。喬松千尺獨凌空。螭蟠虬結逞蒼翠。扶植全憑造化功。七月清秋風雨惡。裂石崩崖氣磅礪。花卉摧殘不知數。萬樹龍鱗盡剝落。勁幹何難與風爭。失勢恐被連根折。枝條荏苒任飄零。苦心獨守凌霜節。離披偃仰仍倔强。道傍識者多歎傷。歲寒老樹尚如此。何況朽木與枯楊。風清雨霽會有時。結蓋摩娑插霄漢。寄語山靈好護持。留取天家作楨幹。



黃叔威曰虬翻鯨擲氣勢峻嶒妙處直逼少陵

贈黃西津總戎海澄

天○狼○搖○精○動○鼙○鼓○海○國○霜○飛○紛○白○羽○妖○蜃○噴○霧○障○九○  
天○鮫○穴○瀾○翻○壯○士○怒○黃○公○氣○貫○日○月○光○神○武○不○數○張○  
睢○陽○萬○里○孤○軍○撐○地○軸○腰○間○龍○劍○耀○星○芒○長○鯨○席○卷○  
突○城○下○崩○奔○聲○撼○武○安○瓦○肘○腋○奸○兇○夜○縋○軍○我○公○拔○  
劍○面○如○赭○忠○魂○惜○淡○斗○牛○寒○闔○門○殉○國○心○同○丹○將○軍○  
飛○鞚○摧○鋒○出○間○道○徵○兵○望○賀○蘭○長○安○遠○道○聞○消○息○  
孤○臣○常○惻○惻○重○關○電○掃○海○氛○清○握○鉞○分○符○

詔憫

聖恩

特○南○來○萬○騎○勢○如○雲○報○主○復○仇○盡○義○軍○三○年○鬼○國○初○  
投○款○八○日○平○么○應○待○君○愧○我○幽○囚○身○困○辱○長○夜○淚○枯○  
天○復○旭○感○君○烈○節○送○君○行○淋○漓○慷○慨○歌○相○續○  
得○一○道○人○曰○黑○雲○壓○城○句○先○後○爭○奇○

黃叔威曰高老雄勁筆撼五岳

劍俠 丁巳季冬

吳○鉤○鐵○冷○霜○花○碧○寶○鞘○螭○文○嵌○瑤○石○繫○馬○城○南○倚○酒○  
鑪○慷○慨○悲○歌○道○疇○昔○十○五○從○師○學○遠○遊○技○成○豪○氣○橫○  
九○州○丈○夫○有○志○酬○知○己○千○金○豈○肯○殉○王○侯○淪○落○江○湖○



無可說。夜中起舞腸內熱。探匣一吼老龍驚。模糊猶帶髑髏血。此君周旋最久長。相握相親泣數行。翻身躑躍玉鋒閃。月落庭空繞電光。電光初疑日光赭。金鞍斜控銀驄馬。西風獵獵雪將飛。意中誰是報恩者。肝膽何須向人論。揮杯彈鋏南城下。

王方毅曰寶氣雖夜夜冲斗不遇張雷亦徒然耳  
黃叔威曰豪氣雄心特地軒露郭通泉寶劍篇尚覺遜其駿邁

題友人墨竹

許生磊落多英特。興到狂呼潑墨汁。巧奪瀟湘倒影來。淋漓元氣毫端集。排石穿雲勢傾側。亂葉淒淒神鬼泣。勁節離披猶倔強。森然老幹如山立。聲吼九天雷雨寒。枝橫千尺龍蛇蟄。鵲落兔起不可狀。滿堂蒼翠風習習。伶倫已往嶰谷空。對此令人空於邑。知君素重歲寒姿。好把畫圖深處襲。

黃叔威曰老杜黑入太陰雷雨垂句似之

行路難 戊午夏仲

嗚呼噫嘻行路難哉。行人惆悵而心哀。鴻濛剖闢東



南。摧。箐。篁。叢。谷。何。年。開。層。巒。爭。地。壘。蒼。翠。狂。泉。奔。壑。  
聲。如。雷。陰。岑。蔽。虧。絕。牛。斗。胡。爲。乎。躡。空。攀。險。往。來。哉。  
越。地。初。盡。吳。山。逼。環。折。渾。茫。盡。澤。國。黃。河。東。注。縱。橫。  
奔。千。尺。長。堤。爲。圻。副。江。淮。南。北。化。爲。魚。鬼。哭。神。號。天。  
闇。黑。行。人。五。月。涉。炎。鄉。流。金。爍。石。汗。浹。裳。萬。里。突。無。  
煙。安。覓。糧。與。漿。揮。塵。清。涼。尚。不。可。何。况。踉。蹌。策。蹇。大。  
道。傍。日。中。一。震。雷。聲。吼。雲。暗。天。沉。昏。白。晝。掣。電。翻。風。  
沙。蔽。天。覆。海。傾。江。人。皆。仆。旱。魃。久。虐。下。土。嗟。淫。潦。綿。  
連。又。爲。咎。此。地。黔。黎。困。莫。蘇。行。人。寧。惜。沾。襟。袖。遠。奔。

茅。舍。氣。喘。噓。覓。枝。對。竈。燎。衣。裯。臥。見。殘。雲。掩。靄。月。隱。  
星。踈。又。聞。蟲。聲。蛙。鼓。喧。淤。渠。鳴。呼。行。路。難。不。如。早。迴。  
車。君。不。見。翟。公。客。卻。平。瓜。貴。賤。今。昔。何。所。如。死。生。艱。  
險。苦。相。報。相。逢。不。如。相。見。初。丈。失。志。業。不。早。就。何。事。  
侯。門。更。曳。裾。又。不。見。九。關。虎。豹。虓。且。噬。浮。雲。蔽。日。孰。  
爲。祛。巫。咸。上。天。臯。陶。遠。食。玉。炊。桂。不。可。居。嗚。呼。行。路。  
難。不。如。早。迴。車。此。道。今。古。同。歎。歎。

王方穀曰苦調淒風雄聲壯氣直與太白蜀道爭  
勝毫釐之間吳道子嘉陵之筆也敬服敬服



黃叔威曰才情橫騫迅氣無前鼉嘯龍起挾風雨  
而上騰想見不可一世之槩

海門行

戊午冬仲

南。溟。毒。沫。驅。潛。鱗。跳。浪。揚。鬣。靈。漠。漠。夜。半。星。飛。白。羽。  
來。腥。風。吹。斷。海。門。鑰。海。門。巖。邑。小。如。罌。枕。山。砥。瀾。六。  
鼇。擎。五。千。犀。鎧。濯。龍。鱗。門。萬。騎。簇。饒。鉦。誰。柄。長。竿。  
驚。一。蹶。鉤。沉。餌。冷。逐。波。月。天。慙。不。戒。突。艤。艫。孤。壁。烟。  
寒。炊。鼠。骨。太。陰。壓。城。營。頭。流。殘。角。無。聲。聽。泣。鴉。將。軍。  
碧。血。淬。吳。鉤。饑。烏。日。晏。棲。骷。髏。秋。老。重。泉。氣。未。卹。靈。

旗。偃。偃。長。蛇。腹。魂。招。不。來。馬。革。枯。酸。心。北。向。啾。啾。哭。  
得。一。道。人。曰。慘。淡。經。營。應。知。鬼。爲。夜。哭。

王方穀曰前有李長吉鴈門太守行後有徐文長  
陰風吹火篇

西婦行

南。天。露。布。降。封。豕。西。來。虎。旅。橐。弓。徙。旄。頭。夜。挾。女。人。  
星。馬。上。胭。脂。沉。不。起。可。憐。雲。散。櫻。唇。紫。泣。向。酸。風。冷。  
秋。水。紅。葉。萬。山。鴈。影。斜。傷。心。難。寄。望。鄉。字。營。門。月。落。  
理。散。鬟。馬。嘶。殘。夢。淚。潛。潛。



君王有道邊臣武不教妾度鴈門關

陳世承曰鬼妾與鬼馬色悲充爾娛讀此詩倍懷斯語

王方毅曰七言長篇又多作昌谷之調天池生暄乎後矣

李亦庵曰此等七言古皆雄健可歌雖未免有大江東氣然寧為孫伯符不為劉景升

贈朱雪崖已未夏仲

壺公環嬴擁黛摩青天璿宮貝闕含雲烟吞吐日月

不可狀下控穀城仙掌相鉤連山川精爽靈奇毓冰

雪聰明才炙轂君謨起草挾銀鉤夾漈藏書羅玉軸

天人三策對彤墀萬斛泉源湧地奇繡勒走霑櫻笋

宴新詩歸唱木蘭陂愧余總角承傾蓋潦倒籬藩看

鳳翽高齋風雨憶論文陶冶良工心力大京華五載

困緇塵鱸膾秋風喜奉親千里故人明月夜雙魚猶

寄鯉湖濱氛霾翳空寒氣颼蜃妖封豕爭狂獠海上

孤存管幼安池頭飲泣王摩詰

王師電掃走長鯨看君墨綬出承明英風昔日推文季



治行今應數仲卿。千乘名邦田氏邑。雉馴時向花間立。絃歌百里簿書閑。興到霞箋翻墨汁。我聞泰岱干霄十八盤。羣峯東海列。巔岈移君如椽之綵筆。題向瑯琊不注之層巒。

宸幄

翻經丙夜寒。輜軒採取入長安。循聲此日光齊乘珥筆行看侍。

玉鑾

吳菽原扇頭賈生畫菊竹二種索題

洛陽才子真無匹。為君寫此凌霜質。數枝勁幹影飄

蕭兩朶寒英香凜颯。想其興酣落筆時。儼負高士方隱逸。願君保此歲寒姿。什襲行裝莫蕭瑟。

題寧海將軍仙霞奪隘圖 已未秋孟

秋河炯炯光太日。弧矢搖芒牛女逼。商飈一夕掃東南。浙水閩山裂地脉。閩山萬仞鬱峇嶢。夾道松杉障赤霄。倚窟箐篁狐兔狡。負嵎巖谷虎狼驕。將軍握筭仗旄纛。飛矢聊城驅部曲。蛇牙淬鏑凜嚴霜。龍劍瑩膏切寒玉。殺氣憑凌關晝昏。遊魚釜底蕩精魂。羣馬孤軍趨劍閣。椎牛三鼓奪崑崙。披嶮歷嶂芟荆棘。山



帝力

川草木皆生色。壺漿父老擁軍門。稽首生全歌。

黃叔威曰清麗不減王子安

題寧海將軍背水鏖兵圖

霜月清寒風鳴弧。挽天狼初閉精南溟。浪煽長鯨鳴。  
張。響。鼓。鬣。吹。毒。沫。莆。陽。席。卷。下。巖。城。巖。城。白。羽。來。軍。  
幕。元。戎。夜。半。傳。金。柝。組。練。三。千。飛。渡。江。破。浪。揚。帆。風。  
捲。籜。昔。日。濰。水。兵。傳。餐。拔。趙。營。雄。師。挾。勝。勢。渡。險。始。  
輕。生。將。軍。勝。筭。在。掌。握。龍。旗。三。颭。撼。山。岳。星。奔。月。滿。

簇。雕。弓。電。掣。雷。轟。催。盡。角。奪。槩。擒。生。戰。氣。護。紅。冰。一。  
片。鐵。衣。寒。營。頭。壓。敵。鼓。聲。殘。空。山。白。骨。陰。漫。漫。鼓。聲。  
初。罷。凱。聲。奏。將。軍。駐。騎。心。如。疾。海。濱。赤。子。盡。吾。民。作。  
備。伊。誰。今。逋。寇。何。當。溟。渤。不。揚。波。尺。土。蒼。生。盡。仁。壽。  
黃。叔。威。曰。咏。戰。處。如。見。屋。瓦。皆。飛。虎。豹。股。慄。之。狀。  
由。其。氣。勢。勝。也。

吳都統招郊外釣魚阻雨走筆寄覺道弘

元。戎。折。柬。驚。且。喜。綸。靜。餌。香。堪。角。伎。薄。暮。黃。雲。光。映。  
天。夜。半。飛。廉。撼。江。水。長。空。漠。漠。煙。雨。昏。鱣。鯉。鱖。鱉。沉。





原件短缺



不起燕山太史擅風流。試問今朝興何似。共遣奚童作報章。且待來朝風日美。便當破浪捉長竿。一釣六鰲獻。

天子

贈祥符令毛鶴舫 庚申孟春

聖朝有道崇文日。嚴陵特挺神仙質。漢廷風雅舊傳家。脫穎新銚光氣溢。銀鉤起草擅千言。玉軸旁披羅萬帙。天人。有策對彤墀。峽浪泉源湧地奇。陶冶後生神力富。飛騰前輩匠心知。螭頭珥筆君餘事。明刑暫

菽和丸。今並美。秋月機寒命篝燈。春花淚冷甘捐珥。女宗應荷

養。况復承家有鳳毛。丹山碧水按遺乘。誰悉當年節孝勞。

賀兼思自五臺迎婚霸州

燕山秋好月輪開。光照深閨玉鏡臺。蕭史鴈門吹鳳曲。雲中烏鵲架橋來。鵲橋霞起天孫渡。錦瑟瑤笙前啓路。蓼花深照彩裝明。影輕移香珮駐。香珮氤氳夾路塵。香塵吹作鴈門春。蘭燈華燭交秋月。爭看仙



郎遠御輪仙郎寶馬青絲絡翟弗香車聯繡幕迎婚  
趙女態妖嬈作媵燕姬顏沃若趙女燕姬擁騎迴高  
堂雙拜管絃催翡翠屏圍連理樹芙蓉帳舉合歡杯  
合歡此日欣偕老長侍高堂期壽考鷄鳴戒旦古人  
風應識佳兒佳婦道

坐繫西曹為獄中某額駙題扇 辛酉仲夏

秋河炯炯達晨光貫索星精多耀芒何處驚烏引人  
怨誰家怨調斷人腸翩翩禁嚮佳公子累葉金貂傾  
戚里沁水田園不讓人饌玉鳴金沸如市貴主蒼頭

氣自高携蒲肯數五陵豪錐刀釀起丘山釁對簿株  
連困棘曹棘曹何處最傷情斗轉更深百恨生孤枕  
淒風傳夜柝短牆踈雨度流螢依稀入夢盡堂宴熊  
掌猩唇羅上膳涼州舊拍按紅牙大宛新驄披錦鞵  
夢回漏急月黃昏魂斷無言淚暗吞積費當年追往  
咎羈延此日識

君恩。

君恩。

本自深如海刑章不為私親改試閱艱辛悔禍深議  
貴議親常與在君不見季布身嬰三木傷絳侯坐繫



困銀鐙君慎加餐莫自戕即日金雞催放赦戟門歸  
慶萬年觴

得一道人曰身處其地故寫景親切乃爾較之前人  
被繫諸作何其豪宕多風也

心月上人有收骨之行歌以贈之 壬戌季夏

杜陵老子發狂吟赤脚踏冰為苦熱上人功從累劫  
修。跣。足。三。冬。衝。朔。雪。當。年。太。史。邑。婁。北。間。關。相。從。心。  
獨。切。何。必。道。高。龍。虎。馴。義。重。人。天。嘆。奇。絕。只。今。結。搆  
小。禪。扉。寒。暑。惟。憑。破。衲。衣。鐘。鼓。六。時。開。寶。地。施。漿。行

適已忘饑更念荒郊旅魂泣思廣

聖朝埋齒德儒釋雖分事亦同有志須成在願力幽明度  
盡笑顏開此心便為極樂國

得一道人曰至理名言掃盡一切福田報應之陋

題戴雙城先生扇頭墨竹 庚午季夏

六月邊城也苦熱茅齋容膝如陶穴  
氛蒸鬱徒增蠅與蟻揮塵徒勞把戶扇北窓一枕夢  
還醒手捉床頭披素箒滿堂空翠風泠泠却憶吾友  
許生工畫竹潑墨酣歌興相續雞黍堂前三百竿醉



後科頭。敲綠玉。可憐遷客久離鄉。不見此君已十霜。  
誰道歲寒君子樹也。怯風沙。朔漠場邊人未識。凌雲  
槩寸管。殘枝稱我愛。豈知勁節摩蒼穹。凡卉寧容相  
匹配。此畫面目未必真。咫尺却具千尋身。昂霄聳壑  
無邊際。鶻落兔起如有神。細葉輕條相映帶。恍惚鸞  
棲疑鳳翮。參差歷落勢縱橫。點綴文章碧天外。世人  
盡愛桃李姿。誰知瀟灑有神奇。眼前紛紛食肉者。請  
出先生袖中以示之。  
得一道人曰。隨手揮灑中氣骨。岸然與尋常題畫者

迴別

題戴文開扇頭山水

今年不減去年熱。誰道遼天積冰雪。沉李浮瓜正此  
時。邊城那得來充咽。斗室炎蒸汗浹裳。展畫清風起  
座傍。遠峯蒼翠疑欲滴。近村雜樹莽蒼蒼。岡巒起伏  
如坐臥。殷殷輕雷山下過。白雲明滅有無中。茅屋人  
家三兩箇。側思此際有幽人。策杖探泉曲澗濱。日空  
一切都忘象。兩耳不受人間塵。却憶當途冠蓋客。觸  
暑驅炎馳廣陌。折腰俯首氣不伸。滿前荆棘徒盤擗。



老我支離牛馬軀。高隱天民容許俱。閉門却喜疎人事。百城坐擁未羈孤。草堂右轉吾西塾。揮汗諸生勤往復。午夢書聲入耳清。絳帷何必羅絲竹。吁嗟乎戴天履地。

聖明。

恩有恨。孤臣未敢論。何年得遂鄉關願。暑雨揮鋤種小園。

得一道人曰寫景入微然無後一段寄慨反覺其板矣。

又

六月炎蒸晝正長。萬山雜樹莽蒼蒼。飛泉雨過添新溜。古道雲來入杳茫。妙手騷人移地軸。數筆丹青歸尺幅。展玩高齋氣蕭爽。依稀丘壑在心目。山巔誰構百尺樓。高士相對樓上頭。興闌日落千巖暝。談久風生萬樹秋。想其神酣初落筆。解衣磅礴閑且逸。彷彿置身禹初岡。俯視一切目無匹。羈人坐臥斗室中。煩膂更苦青蠅攻。安得攀蘿捫石壁。躡空長嘯凌清風。却嘆巫閭近咫尺。千山崖洞仙靈跡。支離十載馬牛身。仰天翹首望空碧。故園松菊未全荒。烏峯草閣遙。



相。望。何。年。竹。杖。芒。鞋。願。五。岳。探。窮。返。舊。鄉。

得。一。道。人。曰。山。水。人。物。近。景。遠。景。目。前。日。後。近。情。遠。情。信。手。揮。洒。而。來。按。之。井。井。

山海關圖題扇

雄。關。萬。仞。鬱。峒。嶢。龍。蟠。虎。峙。摩。青。霄。巉。巖。北。枕。盧。龍。塞。溯。泮。南。吞。大。海。潮。却。嘆。秦。皇。勞。板。築。中。山。勝。國。移。坤。軸。

聖朝

萬里一車書。昔日烽烟今甸服。東道輪蹄入

帝鄉

星。軺。行。賈。路。相。望。獨。憐。遷。謫。離。鄉。客。回。首。雲。山。萬。里。

長。雲。山。萬。里。難。回。首。讀。罷。離。騷。唯。對。酒。何。堪。尺。幅。寫。為。圖。觸。緒。羈。人。心。欲。剖。當。年。精。衛。苦。無。功。木。石。依。然。巨。浸。中。連。檣。萬。舸。漁。家。輩。寧。當。破。浪。逐。長。風。禹。跡。從。來。先。碣。石。僅。博。空。名。陵。谷。易。千。尋。砥。柱。有。沉。淪。何。況。男。兒。軀。七。尺。吁。嗟。乎。男。兒。胡。不。乘。時。建。節。仗。龍。旌。便。為。

天子

作。長。城。俯。仰。關。河。感。今。昔。蹉。跎。日。月。壯。心。驚。

得。一。道。人。曰。雄。心。浩。氣。吞。碣。石。而。吸。滄。溟。借。題。發。洩。磊。落。頓。挫。淋。漓。慷。慨。誰。能。窺。其。涯。涘。



題戴文開扇頭畫

十日一水五日石。古人能事不受迫。阿誰妙手握烟  
雲。淋漓墨汁任狼籍。安道昔侍蓬萊宮。承

恩

搖筆氣如虹。自是曾中富丘壑。隨地揮洒奪天工。諸  
生果否知畫趣。各向家中覓絹素。乞得瀟疎數筆歸。  
驚喜從余來索句。知君興過顧長康。那堪我作陳思  
王。邇來衰老詩腸澀。七步吟成十數行。何日與君歸  
隱。聞山下萬樹松杉來繞舍。酒酣潑墨作長歌。萬斛  
飛泉向空瀉。於戲噫嘻促膝高樓誰氏子。不留名姓

在人耳。冷看人世如奕棊。長嘯臨風誦秋水。如我與  
君齷齪利名中。迴首此君嗟晚矣。  
得一道人曰超脫。入化可作長安諸公當頭一棒覺。

前題山海圖猶在邯鄲夢中也

辛未初夏同戴文開楊玉符二先生及從遊諸

子南郊射飲醉歌

邊城四月接春光。漠漠輕陰晝正長。細草叢中舒蝶  
粉。綠楊深處轉鶯簧。鶯簧現睨初成語。似喚遊人覓  
遊侶。投荒野老不知愁。逐隊賓朋來遠墅。安道當年



品最高。關西夫子亦人豪。諸英問字能攜酒。童冠春  
風。屬爾曹。平疇繡錯遠山橫。遼水東來照影清。萬樹  
山花難辨種。一林啼鳥不知名。花香鳥韻堪畱客。遍  
地綠茵重布席。分棚角射氣爭雄。興到狂呼浮大白。  
須臾上客玉山頽。屢舞僊僊亦壯哉。我謂二公乘興  
莫。虺隤青蓮昔日玻瓈杯。移向夜郎酌濁醅。

聖主

恩深漢文帝。賈生宣室亦歸來。吾徒方寸但當對天  
地。支離潦倒莫疑猜。兔網雉羅安足恤。不能鬼蜮首  
鼠。朶頤搖尾令人哀。二公賈勇傾餘瀝。脚躄歸騎日

之夕。楊柳風來送馬蹄。一聲長嘯遼天碧。

得二道人曰。寫景淡雅入情。則磊落豪邁。結句縹緲。

幾于江上峯青矣。較之少陵漢陂未知軒輊。

彭海客曰。渾浩流轉而無怒張之跡。

徐周臣以琴見贈歌以謝之。

羲皇握籙協乾精。斲桐宣籟通神明。薰絃譜後增文  
武。還真理性元化并。從此仙靈授聖哲。成連牙曠稱  
奇。絕騷人清賞。衍新聲。烈士孤懷寄幽咽。龜山空怨  
斧柯難。五夜霜飛逐客寒。嶧陽天骨徒供爨。莫向悲



風奏猗闌憶昔妖霾翳南渤海國孤蹤傷白髮鴈足  
書迷薊闕雲冰心淚洒閩江月新安吳叟含天真授  
我朱絲寧我神悲歌墨子嗟同調廣陵中散多酸辛  
地軸初迴天步窄置罽脫兔雉偏獲神愚不識捕蟬  
心鬼禍幾同投宿客落拓邊城走馬牛不聞革子奏  
離憂長憶歸風懷送遠何當促柱寫新愁淮海翩翩  
徐孝穆麗藻羣推齊二陸貌癯心古神仙姿氣比春  
蘭韻秋菊邂逅相逢秋正高聆音不必盡吾曹正襟  
拂軫羣鷺靜萬仞松風漾素濤從容縱手舒還急百

川東注龍蛇蟄夜闌明月正當窓四座歛容風習習  
鼓宮應徵調仍揚冠裳佩玉聲琅琅朱幢羽蓋瑤池  
會春曉千官覲帝閭忽然促節音如縷瑣窓兒女相  
爾汝如慕如訴語偏長鶴怨猿啼秋夜雨轉調一抹  
聲劃然層崖落石欲驚天數點餘聲將住拍空山靜  
夜聽流泉八載羈棲困煩霧忽入鈞天疑曉夢何當  
倉卒唱驪歌移情恍惚蓬萊洞從來風雅擅河間鍾  
期應爲奏高山綠綺贈來千里外東陽舊業喜猶還  
操縵未能愧自譽久滯拘幽誰共語臨池學步奏清



商潛蛟風雨欲飛去

得一道人曰前半借琴自寫可謂信手拈來條條是道後摹寫琴音較之聽穎上人作為獨絕可無琵琶之疑矣精于此道者自辨之

彭海客曰有清明之氣條貫其中故自不厭其多

題吳門徐生望紅集戲學盧李體

靈威赤文天欲揭闔廬將向姑胥洩東海徐生採藥還騷人肩戶傳丹訣聲牙自喜思渺茫汪洋禦寇詭蒙莊手挽吳江濯肺腸科頭箕踞袒無裳白眼問天

天。漭。沆。紅。塵。塊。圮。三。千。丈。家。家。吠。怪。困。愁。城。捕。蟬。一。葉。聊。自。障。吁。嗟。乎。君。不。見。館。娃。本。是。苧。蘿。裝。捧。心。自。照。越。溪。傍。齟。齧。折。腰。官。婢。笑。強。施。脂。粉。待。君。王。得。一。道。人。曰。溫。李。錯。采。鏤。金。終。少。風。韻。此。結。較。多。逸。致。

題金文瀾谷岳修果圖 壬申仲冬

碧海扶桑玉露泫。幾度蓬萊水深淺。金支翠蓋巨靈驅。雙成萼綠侍雕輿。琪樹花明春滿洞。紫霞煜煜護丹棟。羣真縹緲駕雲輶。騰踏蒼螭紫鳳雲。瓌妙拍



奏春波。玉液光浮金叵羅。懸藜床進房。嘵棗發日香。  
浮十丈荷。桃熟龍沙期八百。赤文綠字銘金冊。壺中  
日月不知年。悟徹功圓共此席。天風環珮玉音來。瓊  
宮寶鑰若然開。霓旌絳節遙相待。誰覓靈槎歸去來。  
得一道人曰似个中人語。

題鐵式之書室

畫堂西作讀書屋。雕文刻縷施朱綠。屏開雲母水晶  
瑩。帳繞流蘇花氣馥。花氣爐香入夢清。坐臥居然擁  
百城。靜取絲桐當膝撫。倦攜詩卷繞花行。詩律琴聲

堪自適。寸陰須惜莫輕擲。論史應窮百代源。談經定  
抗前人席。不然吾曹一蠹天地間。坐銷歲月老容顏。  
浮雲顯晦何足論。儒生大業在名山。

得一道人曰隨手跌宕自有不可一世之槩

金若千爲式之。以楮作書函。貼壁間屬予題句。  
讀書莫向空言索。須識此中有真味。世人潦倒行墨  
間。不如卷束高閣置。吾友金子玩世情。却于尺幅製  
作書函形。空函結束不作字。一畫未開萬象成。爾曹  
識得書言不盡意。千軸萬卷糟粕矣。四時風月盡無



邊當塔細草自交翠。

得一道人曰撒米成珠遊戲神通何所不可

題壁間楮作秋桐葉

洞庭昨夜秋風起。一葉隨風千萬里。騷人拾取寫秋懷。秋聲應滿秋江水。

得一道人曰楓落吳江正不在多

松鶴老人曰爾時設絳談經諸子在三之諠甚篤難中殊不寂寞曾幾何時而式之列名南宮翺翔木天比余入都而式之旋赴玉樓空齋且再

易姓矣回首可勝潸然

壽徐元賓

遼海青營地陪京箕尾分當年占王氣此日聚星文  
王氣當年鍾

帝里

龍樓鳳閣連雲起地靈獻瑞挺豪英明良草昧經綸

始管籥皆依日月光攀龍附鳳盡侯王列鼎鳴鐘喧

鶴市金貂劍佩簇鴈行鴈行聯騎入燕畿豐沛南陽

冠蓋稀三垣列宿辰居共客星偏向

帝鄉

飛



帝鄉

此日多遷客。遭際風雲異。疇昔爭憐賈。傳竄長沙又。  
見夜郎來李白。謫宦紛紛一載中。蘭臺郎署盡人雄。  
共說棠陰遍南國。那堪元老亦居東。南州高士何爲者。  
仗義相從來塞下。筆聳秦關氣激昂。盃吞漢月曾瀟灑。  
秋色月明遼野渡。石麟天上欣初度。欲挹瓊漿作壽觴。  
濁醪邊市寧堪酷。我聞長白山巔萬仞潭。飛流噴瀑大江三。  
恨不移來作酒泉。盡澆塊壘日沉酣。山麓有一德林石。  
玲瓏空洞三千尺。移作巨觴盡一舉。便醉三萬六千日。  
日落拓不能爲君壽。一卮空言諧

謔徒爾爲此地。山川信多奇。兩京有賦君。草之君不見。鈿母潭馬退山。  
柳州遺草重人寰。又不見青陽峽木皮嶺。杜陵詩史闢幽境。  
丈夫時命不列青瑣班。綵筆長懸天地間。山靈倘亦待我輩。  
人地相遭非等閑。衰衣承

龍

自東還長嘯相將入玉關。持君詞賦獻

天子

應知有喜動

天顏

得一道人曰何等自命何等曾襟縱筆揮洒磊落雄



邁掃盡一切窮愁潦倒搔首問天酸態一代人豪  
非過許也

體元以扇頭蘆鴈索題因憶兩弟感賦

鵲。鴿。原。上。西。風。急。風。吹。蘆。葉。何。蕭。瑟。萬。里。長。天。字。一。  
行。參。差。吹。向。蘆。中。立。小。洲。水。草。碧。連。天。下。下。高。高。盡。  
菜。田。處。處。稻。梁。謀。自。好。家。家。棲。息。共。安。然。獨。憐。隻。羽。  
驚。雲。路。上。苑。書。來。君。不。顧。毛。摧。翅。禿。入。虞。羅。淒。涼。回。  
首。雲。山。暮。雲。山。日。落。夢。衡。陽。分。明。儔。侶。傍。瀟。湘。誰。家。  
聚。首。多。兄。弟。掩。袂。吟。吾。蘆。鴈。行。

得一道人曰感慨淋漓淒淒其欲絕矣以此位置棠棣  
角弓間未知誰能使人下淚最多也

題吳道人扇頭畫菊

癸酉季秋

延陵道者多奇訣潑墨寫此凌霜傑傲骨不隨秋草  
萎寒香卓與羣芳絕寫成起舞影婆娑琪花瑤草復  
如何道心清迴聊爾爾屬我揮毫作浩歌我謂道人  
神自曠却向此間留色相倘是爲余戲寫真二十年  
來倔強狀李自白兮桃自紅妖艷都憑造化功偷得  
春光爭媚好西風苦戰有誰同松栢從來號歲寒又



聞君子比琅玕。東籬高致君知否。不是騷人未許餐。  
近喜從君聞大道。含英葆華方是寶。那爲題畫去尋  
詩。得醉花前便道好。

得一道人曰。此等題若無此等氣槩。便可不作語語  
本色。所以爲佳。

甲戌夏定侯以扇頭畫屬題感賦

遼山蒼蒼遼水長。山花雜樹擁奇芳。文禽翠羽不知  
數。頡頏下上自迴翔。妙手騷人工寫物。墨池飛洒枝  
頭綠。衆香深處暫停棲。似貌新鶯初出谷。我聞丹丘

有鳳凰。居梧食竹鳴高岡。此日來儀應獻瑞。胡乃戢  
羽自潛藏。又聞鵬飛自北極。扶搖便作垂天翼。天路  
迢迢豈可窮。雄心猶寄六月息。天生神物固有時。非  
時隨遇亦安之。鴻鵠四海竟何歸。莫嗤斥鷃依藩籬。  
吁嗟乎。世路嶽崎多網羅。勿誇羽翮任婆娑。願向故  
園枝上宿。隨時飲啄樂如何。  
得一道人曰。隨事寄慨。皆有磊落不羣之概。莫作題  
畫詩草草讀去。

汎小舟渡遼水過劉叟居處歌以壯之



買車將踏長安路。停驂夜宿遼河渡。故人劉叟指余言。水外蒼茫我居處。沙明漲退蓼花秋。村酒酷來架小舟。整整斜斜看過鴈。三三五五逐輕鷗。鷗鷺避人向何許。溯流曲折趨前浦。草深湍急舟不前。攀菽搴葦代雙槽。今歲禾淹蟹却肥。居人結穗傍漁磯。岸傍得酒持螯飲。入市傾筐換米歸。此地從來魚蟹鄉。捉蟹驚魚入小航。漫向孟津誇聖瑞。且供村老佐壺觴。觴傾望見劉居所。秋水連天中一壠。廿里不聞人語聲。時有漁船自來去。須臾小犬吠葦叢。數椽茅屋夕

陽中亂木支撐勢。傾側穿雲漏日迎。秋風劉叟喧呼有客至。炊梁煮蟹無兼味。酒酣耳熱口懸河。嗚咽為余陳往事。當年

玉輦向東來。牙檣朱纜錦帆開。廻

躡龍舟藏北岸荒。亭廢閣生莓苔。痛余往日逢饑歲。丐米

官倉遭吏恚。炎天荷校更加箠。負痛被驅來守視。四望無烟荆棘高。孤洲夜靜有狼嗥。携妻挾被神偏爽。敲火蒸糜氣更豪。暑月蚊虻偏作惡。迎頭刺面皆銛鏢。夜來風雨漲浮天。急起又防船漂落。秋往冬來朔



雪飄行人捨渡問浮橋。門前車馬知何事。差與村翁  
慰寂寥。寥。潦。倒。年。來。生。計。熟。馬。健。羊。肥。不。用。穀。雞。豚。隨  
地。噉。生。芻。更。養。鵝。兒。如。錦。簇。迴。首。當。年。恨。正。長。一。絲  
呼。吸。繫。桁。楊。識。得。死。生。天。意。定。寧。知。人。事。有。滄。桑。滅  
門。威。福。成。何。用。丹。旒。素。車。徒。一。夢。父。老。何。人。奠。勻。漿。  
河。干。翁。媪。聊。相。送。我。聞。此。語。意。悄。然。謂。劉。往。事。莫。拳  
拳。人。生。飲。啄。皆。前。定。倘。是。河。濱。有。宿。緣。太。息。徬。徬。日  
已。夕。遠。村。斜。月。催。歸。客。疎。星。數。點。傍。舟。還。獨。鶴。一。聲。  
遶。水。碧。

得一道人曰此事傳之筆墨大可爲貪酷吏之戒寫  
景處確是詩中畫非名手恐畫不出末幅開戶視  
之不見其處不過爾爾

江上女郎歌題畫 乙亥夏仲

江上芙蓉艷欲浮。閨人倦繡且行遊。青鬟聊試桃葉  
渡。女郎仍上木蘭舟。木蘭舟上弄輕楫。浪花輕舞如  
飛雪。雲影天光一鏡收。低頭顧影轉愁絕。兒時插柳  
已成圍。年年桃李鬪芳菲。波間兩兩魚兒戲。洲上雙  
雙燕子飛。燕去鴈來朝復暮。踟躕忍把年華度。漫題



紅。葉。寄。深。心。一。葉。隨。風。不。知。處。晚。風。斜。照。曲。江。頭。隱。  
隱。雲。間。月。半。鉤。採。得。好。花。聊。一。笑。清。歌。一。曲。自。悠。悠。  
得。一。道。人。曰。無。聊。自。傷。宛。轉。自。慰。怨。而。不。怒。其。三。百。  
篇。之。遺。乎。

題扇頭兩美人

長。夏。風。微。蕉。正。綠。大。地。芳。菲。如。錦。簇。盡。欄。深。處。珮。環。  
聲。膩。粉。輕。脂。香。馥。馥。步。搖。七。寶。擁。盤。龍。翠。袜。紅。綃。穩。  
稱。曾。共。擬。連。城。雙。拱。壁。更。驚。出。水。兩。芙。蓉。當。年。一。顧。  
會。傾。國。金。閨。春。去。無。消。息。回。首。何。堪。休。細。論。相。憐。相。

視。應。相。得。款。步。庭。前。笑。語。和。桐。陰。深。處。漫。婆。娑。拈。花。  
微。笑。誰。知。否。脉。脉。關。情。歛。翠。蛾。誰。道。蛾。眉。不。讓。人。祇。  
緣。形。穢。自。生。嗔。試。看。兩。美。真。相。合。解。珮。投。珠。莫。厭。頻。  
得。一。道。人。曰。脂。粉。中。有。此。識。見。羞。殺。天。下。媚。嫉。鬚。眉。

矣快論

題扇頭畫

朱。夏。薰。風。晝。正。長。松。花。滿。徑。一。林。香。從。容。杖。屨。何。方。  
客。兀。坐。莓。苔。對。夕。陽。夕。陽。遠。水。連。天。淨。沙。鷗。漠。漠。自。  
相。映。靜。對。忘。言。已。息。機。世。人。莫。許。通。名。姓。姓。名。一。自。



落。囂。塵。難。問。山。巔。與。水。濱。桂。伐。膏。煎。徒。自。取。那。得。桃。  
源。再。問。津。君。不。見。廟。中。犧。絡。頭。朱。紉。飾。金。羈。又。不。見。  
太。上。龜。荆。墨。何。如。尾。曳。泥。世。途。榮。辱。誰。能。定。得。失。紛。  
紜。何。日。竟。不。如。屏。息。守。吾。真。百。體。悉。聽。天。君。令。吁。嗟。  
乎。滿。前。生。意。任。婆。娑。閑。來。且。酌。金。叵。羅。日。送。歸。鴉。到。  
空。碧。拂。袖。凌。風。一。浩。歌。

得一道人曰題畫不可無此撇脫之作覺摹少陵者  
猶下乘也

代壽輔國公太妃

丁丑夏仲

瑤池紫氣接銀河。錦悅欣懸樂事多。青鳥飛來傳玉  
郎。鸞笙須譜九如歌。歌成好授蓬壺客。萼綠麻姑齊  
按拍。甫見東山頌袞衣。采繁又咏關雎德。關雎餘慶  
衍螽斯。繞膝慙連玉樹枝。學語聊隨萊舞後。含飴歡  
笑萬年期。  
得一道人曰秀潔不塵

題扇頭美人

薰風五月北窓涼。絲柳垂垂覆淺塘。飛去飛來雙燕  
子。相偎相倚兩鴛鴦。午倦佳人初睡熟。何處蕭蕭南



松嶺山房詩集  
岸竹徒倚推窗隔檻窺。萬樹參差敲綠玉。款步庭前  
却復移折花臨水。暗驚疑鬢亂釵橫。頻整理。个中女  
伴未應知。知心聊向琴心寄。一曲秋鴻如有憶。輕烟  
裊裊博山寒。花前織得璿璣字。璿璣字少意偏長。悠  
悠歲月減容光。珍重雙魚吹浪去。緘將錦字獻君王。  
得一道人曰借畫傳情忠厚之旨可挹

題洞天春曉圖

春山春樹鬱葱葱。萬仞松濤挾曉風。怪石嵯峨橫古  
道。遠峯明滅碧烟中。烟水冥濛同一色。飛泉界道流

何急行蹤杳絕石梁通。穿雲插岫如長虹。虹梁兮作  
渡。洞天曉兮無朝暮。長嘯兮水聲中。抱膝兮雲深處。  
胡不驂鸞兮赤城。胡不躡飛龍兮玉京。不矜絳節與  
霓旌。含真葆和宅。太清清吾神兮滌吾腑。漱瑤英兮  
餐玉乳。花滿洞兮長春薜荔垂兮猿鶴舞。猿鶴舞兮  
歲月長。玉籍書名兮達帝閭。帝心愉兮曰予其汝。賜  
錫千齡兮樂未央。  
得一道人曰非門外漢所能道

題宗室輔國公奉天官民送別圖 戊寅夏仲



端陽月涉遼河渡買車將問長安路忽聞

天語

名將軍舉國悲如戀父母旬有一日整行裝都人設  
帳大道傍冠蓋兜鍪紛雜還疲瘵穉叟盡倉皇留守  
年來多文武今朝一事足千古何修能使衆心同下  
車竊聽輿人語瓊筵四座諸曹卿主持國是有公評  
時清將帥無奇績寬和廉靜卽長城我公盛德不可  
數恩威務令歸

明主

執法如山不肯私虛公衆論兼採取臥治陪京十一  
年治大真如烹小鮮吾曹久煦春風德此別何堪意

惘然夾道偏裨環立馬謂公此日何爲者賞罰從來  
秉至公事權小大無寬假爲國憐才意獨過因人器  
使不煩苛駑駘不任天閑選母乃吾輩累公多荷戈  
甲士更淒然我等戴公如戴天兩度北征甘苦共臨  
戎帥士獨居先差役均平無濫使小過示寬而已矣  
年來饑饉屢從軍賴公撫我如父子紛紛耆叟豆漿  
迎擁道攀轅馬不行共言不覺公尊貴但覺公親繫  
我情我遼舊俗本淳樸耕鑿相安少訟獄後乃習僞  
長蒿凌公來亟欲挽其薄近人平易意謙謙家政森



如國法嚴令簡刑清化寧一市塵不擾戶安然堯湯  
盛世偏旱澇公秉齋虔躬步禱憂

國憂民格昊穹萎潤枯回復堅好歲歉封章欲控

天有司不便故遷延仁人一語真利溥事雖未果願公賢  
幸蒙

聖主澤汪濊水運陸輸恩大沛盜息民安雞犬寧生全休

養賴公惠

九重

天子念民依誰爲借寇達

黃扉

念我命公作父母如何翻令我公歸最憐鵠面鳩形

侶手執瓣香淚如雨吾曹誰識王與公全我餘生卽  
吾字乞兒儉歲那能存棄捐自分溝中魂米價十倍  
不絕食實賴兵民尚飽溫此日傾城輟市送兼來遠  
近緇黃衆縉紳衿士共咨嗟緇衣袞繡成謳誦輪蹄  
紛籍遼河濱灑淚慙慙意未伸更將款曲向公陳從  
公乞得一車茵城西五里生祠建供公茵如見公面  
祠下兵民列姓名紀德無嫌卑與賤賤子近陪梁苑  
客涓埃何補高深德幸追馬足聽驪歌不事張皇唯  
紀實放歌縱筆灑長篇篇述輿頌遺後賢瞻禮公祠



讀此歌甘棠遺愛萬斯年

得一道人曰大僚庶屬行伍者民人各有言言各有  
體真樸之意如見信寫生筆也乞兒之論更真更  
確地方有司肯念及臨行一段蹣跚皆思作龔黃  
矣有關世教之篇

題畫漁家樂

洞庭兮秋風北渚兮芙蓉水天兮一碧雲山兮萬重  
望美人兮一方願解珮兮焉從獨勞心兮徬徨長太  
息兮攻中兩美合兮有期神物隔兮終逢曷駕言兮

出遊縱一葦兮何窮循澗草兮萋萋聽流泉兮淙淙  
竿嫋嫋兮投之魚鄰鄰兮奏功聊假物兮泳游終息  
機兮鴻濛甫望洋兮利涉既躋岸兮寧蹤聊繫維兮  
柳陰掛匏樽兮短筇行負薪兮得火將膾鯉兮朝饗  
燕燕兮下上草樹兮豐茸班荆兮倚石得侶兮融融  
已耦俱兮何猜機隱顯兮孰通陰陽開闔兮有時相  
視莫逆兮化工江月兮浮白夕陽兮影紅長嘯兮籟  
寂放歌兮調終望遠峯兮極目任泱泱兮太空  
得一道人曰寓意超曠中有精理近魏晉人之達不



入宋人之腐由其着想之高運筆之靈故也

題許月溪歲寒書屋

歲紀攝提夏之季重晤月溪長安市數椽書屋陋巷  
中四壁寒風動地起峻嶒怪石臥復橫怒虎奔猊氣  
未平激瀑鳴湍瀉空澗疊冰飛雪日無精古洞懸崖  
勢復峭中有猿啼與鬼嘯那得春風到此間造物如  
何心獨悄豈知真宰意偏長數枝瘦影奪春光枯藤  
衰草飄蕭際鐵幹橫斜露暗香別有凌虛君子節高  
標不減菁葱色敲金戛玉態瀟疎拂日干雲品自逸

忽聽濤聲天上來千巖萬壑殷如雷鱗張爪攫不可  
狀鯨翻龍變孰能猜阿誰潑墨傳奇蹟周郎江左自  
人傑許子欲畱萬古心興來命寫千秋筆自言締交  
三十年升沉聚散如雲煙意中屈指數君子肝膽鬚  
眉借此傳我只傳心不傳面披襟斗室遙相見桃紅  
李白豈無芳蒼涼寒歲知誰健嗚呼噫嘻我亦圖中  
位置客冰天雪窖凌空碧九天風雨忽飛來試作龍  
吟君按拍

得一道人曰豪宕中有深細處未許粗心人領略



爲顧宗伯題畫

雨暗千峯如翠涅。雲吞萬樹半明滅。柴門高閉不聞聲。繞戶飛泉石上咽。此際幽人憩草堂。北窓一枕夢羲黃。肯計昨晴今夜雨。一任山高水自長。

其二

蹇驢日踏春郊路。挈榼提壺無朝暮。興來乘露早尋芳。山月朦朧掛高樹。樹際低牆一帶斜。小橋北渡有人家。滿屋春光藏不住。千枝萬朶映朝霞。霞光煥爛牆東角。急令小奚勤剝啄。看竹無須問主人。尋花須

爾同斟酌。主人花底一茅亭。三丈日高華戶扃。那聞看花門外漢。夢繞花魂未肯醒。

得一道人曰前首題雨景當爲絕作其二則字字皆畫字字化境矣

其三

山龍嶼兮孤矗樹。蚰蟻兮爭簇泉。瀾瀾兮遶村石。磊磊兮疊屋柴門。晝扃兮不聞聲。伊人兮在空谷。得一道人曰卽宛在水中央。意也雲林作畫亦爾世俗所云妄矣。



蒙

賜

御書恭紀

聖恩歌有序壬午季冬臣陳夢雷恭

進伏以

乾坤廣大勾萌咸荷覆載之仁

日月光明幽螫共仰照臨之德藿葵志專傾向竟沐陽和

犬馬念切依歸終蒙撫育敢謂微誠上達實緣

大造垂慈臣夢雷樗櫟菲材駑駘賤質謬叨甲第

特簡蓬瀛值邊海之風塵宜捐糜其頂踵乃覆巢矢節

痛難等于趙苞忍死全親志僅同于徐庶將甘嬰乎

斧鑕他生再答

皇仁猶免竄于荒遐此身得依

帝里髮膚所賜無非

君父之再生方寸堪原重沐

慈恩之三宥

鑾輿東幸獲覲

天顏



輦輅西還親承

溫綽朝野傳為盛事儒紳述為美談

賜宅欣瞻禁城承

詔許隨

邸仰眾愚而馭踏幾疑夢陟鈞天趨

殿陛而屏營恍訝身登蓬島恆懼報稱之無狀忽蒙

寵渥之洊加瑤箋暫啓燦萬頃之煙霞玉版乍舒洒九

天之風雨龍跳虎卧較戈法而逼真鳳翥鸞翔逾弩

張而盡善筆由中而鋒勁合柳公權正心之言墨取

澹而姿清採杜少陵通神之論允六合之鴻寶洵百

代之鉅觀臣學愧剝蕉功慙書柿分榮不殊侍從高

捧兩袖天香叨

寵得後公卿遠眺盈門瑞氣

恩再三而逾分報萬一以何能刻骨竭誠猶願抒忠于奕

世撫心雪涕聊伸積悃于永言臣曷勝踴躍懼忭之

至謹稽首頓首而

獻歌曰

三才位列顯圖書義畫倉文太古初草隸真行垂八



法鍾王魏晉立權輿  
聖神首出鴻濛判三五同符歸一貫  
依仁游藝道自兼  
全聯壁合

天章煥

明良喜起泰交隆

御墨時頒出禁中共眺雲霞明斗極  
羣瞻日月麗蒼筤列

卿蒙

賜矜殊遇侍從承

恩亦異數葵藿傾心向太陽  
小草難言希

雨露

朱邸傳呼

上苑回

瓊章寶軸燦然開

殊恩竟得瞻

天近

寵渥幾同捧日來受

詔驚疑復却立疑  
夢疑真情轉急諦  
觀厚地與高天稽首

難言惟感泣萬死微臣只寸心  
至仁三省



主恩深投荒敢冀依

鑾輅解網還叨侍

禁林從此

天顏覲咫尺鏤心刻骨期成碧子孫世世仰

宸章犬馬難酬歌

聖澤

臣夢雷壬午之歲五歲之女三歲之男相繼以痘殤傷感成疾蒙

王賜飯力疾詣謝

恩適蒙

至尊垂問

王以實

奏

上深憫念

御筆特書萬樹江邊杏新開一夜風滿園深淺色照在綠

波中二十大字以

賜而時臣已將入城

王遣騎追回宣



旨畢驚疑如夢中已乃感泣叩頭伏地不能起

王入

奏

上加憐之曰朕活之至此而三矣其感泣宜也

王歸宣

上旨伏思不可無詩以

謝遂勉力爲此書二紙僅畢未及粘連已伏枕不能支

王命取視親爲粘綴以

進復得

溫旨

王乃遣使護進城命醫視脉且諭之曰雖夜深必啓聞

使回弘雅園夜三鼓

王已安寢立命燭視見醫啓帖稱脉已散

王深憂之旦日問者絡繹而臣夢雷感激意外之

聖恩且恐以愚賤之軀爲我

王憂也自力起內視還元不數日病愈

王喜見顏色伏惟罪廢小臣尺寸未効乃沐

聖天子非常之恩



賢王眷念之切一至于此雖頂踵捐糜何足言報用是

恭紀其實以示子孫俾世世竭犬馬之萬一云爾

臣陳夢雷稽首頓首恭紀

得一道人曰以在位詞臣所不敢望者一旦得之信

同于再生矣不事奧援不工逢迎竟若家人父子

後世當為興感况躬受者乎病中之作原非刻意

求工實境實情信手寫出尺幅中聲與淚俱誠能

格天非虛語也

又曰情文相生處自有老手之妙非容易可到

送蕭道人回吉水 丁亥孟秋

秋滿長安月正明園中萬樹作秋聲高人理楫問秋

水動我秋風鱸膾情鱸膾秋風莫漫說巢由有命非

人傑老就兒孫未足奇賣藥當年真妙訣逸翮不受

樊籠羈和光俯視廟中犧術挾岐黃轉生死嘯傲王

公任爾為非仙非釋非吾道無榮無辱無煩惱來不

訊今去不辭信口機鋒皆絕倒一局閑中日月長華

胥是處晤羲皇脫巾倨侮鄴侯第辟穀時來訂子房

匡廬今踐洪崖約飄然杖屨遼東鶴幔亭峯上我歸



時並駕赤城無宿諾

得一道人曰巢由有命此語他人未許道亦未敢道  
至爲此道人寫生處真妙手也

顧宗伯有徘徊青史案之句命爲題扇

天。清。地。寧。萬。象。揭。溟。渤。無。波。星。海。洌。莘。野。歸。來。負。鼎。  
翁。鷹。揚。請。老。磻。溪。傑。光。芒。上。貫。斗。牛。宮。胷。中。浩。氣。如。  
虹。蜺。置。身。直。在。岷。嶺。巔。俯。視。崕。嶺。皆。蟻。垤。靈。威。赤。文。  
天。欲。洩。吹。藜。太。乙。傳。真。訣。權。衡。千。古。闢。鴻。濛。百。城。坐。  
擁。仗。旌。節。有。時。義。憤。觸。真。剛。裂。背。欲。磔。窮。奇。舌。時。傷。

烈焰岷岡焚願挽天河潑冰雪否運憐丁百六辰思  
挽天綱爲再綴想公拍案咨嗟時貞魂義魄含幽咽  
披襟擊節高歌處河嶽英靈皆感悅嗚呼噫嘻百代  
興亡供一瞥乾坤那得無杌臬是非不復關榮辱得  
失何須論巧拙升沉理亂總由天忠臣孝子留心血  
方寸光明宇宙間青史由他漫論列我且爲公歌一  
曲唾壺如意莫教缺

得一道人曰推倒一世之智勇開拓萬古之心胷才  
氣似矣少此心血石破天驚霜重鼓寒奇警則有



之未堪咀嚼也。若夫掇拾剩粉殘脂，不關痛癢，又  
何足數哉。

題挽東甌陳貞女

戊子季夏

薄俗鬚眉甘媿，褻乾坤閨閣鍾人傑。扶輿氣肅東甌，  
揭凜冽貞篁灑冰雪。玉樓期促修文訣，鵲橋夢斷雲  
縞裂鏡裏孤鸞，濺頸血。倉皇骨肉悲留切，繡帳秋風  
泣幽咽。縞練三春同一瞥，絕粒吞聲完大節。共痛蘭  
摧欽玉潔，日月同光長不滅。女貞堪並首陽烈，  
得一道人曰柱促，調悲題挽閨貞宜此種筆。

驥仲以西山遙寄圖索題書以示之

己丑夏仲

帝京。須識何爲吾輩事，仰瞻  
丈夫襟懷同天地，萬象包羅入胷次。讀書萬卷遊

宮闕高巍峨吾

君堯。舜如何致俯視，纍纍道傍瘠。納溝自我思，撫字大鵬

六月有息時，顯晦浮沉寧介意。當其兀坐斗室中，六  
合八荒實吾寄。陋彼魏晉清談人，徒挹西山之爽氣。  
譬若威鳳視蚍蜉，大小高卑趣各異。年老不知月露  
與風雲，聊書所懷拓爾志。



得一道人曰唯爵祿不入于心始說得此翻案文字  
奴顏婢膝者未許藉口

宿梁家園讀諸公和坡公戲子由韻學步書懷

呈林鹿原 壬辰孟秋

人生隨地有丹丘粒可須彌芥可舟君居高廠俯滄  
洲開窓有石爲點頭老我平臺十五載曳裾猶幸少  
貽羞邇來賜宅環水樹卜居較勝我爲優彼此過從  
皆不惡得閑便作汗漫遊老我年來倦詩律閉關差  
得黃中術餐粟須知淡味長食蔗到頭甘似蜜翻雲

覆雨任滄桑潦倒莫爲權豪屈奴顏台鼎亦勞勞探  
丸閭巷擁麾旄但當拍掌浮大白詎因若輩生牢騷  
蠅營狗苟真堪恥鬼籙寧煩吾折筮蘇君時在復何  
言牛馬任呼姑唯唯丈夫志業自千秋冰山今古能  
留幾吁嗟乎故園何日問歸程補天浴日不留名先  
憂後樂吾曹事那計浮雲重與輕

得一道人曰壯懷磊落不可一世咏懷詩安可無此  
氣槩或以少溫柔敦厚爲疑是未讀巷伯之章也

病後讀坡公年譜慰二兒 癸巳孟秋



本庵山房詩集  
坡公行年六十三謫居僭耳儲爲米官舍不容自築  
室昌化士人助泥水桄榔樹下笑題詩幼子扶侍相  
慰耳我賢未必遠坡公萬斛泉源敢謂同潦倒依然  
侍

朱  
邸兒孫遠膝樂無窮城內聚居有華屋郭外別業丘  
壑中今歲麥多十數斛更饒蜀黍豐嘉穀雞豚喧突  
聒人耳野鶩鵝兒如錦簇農家風味果堪誇老饕不  
用嗟枵腹趙壹囊空何必憂幸無酒債未曾酬僕人  
不耐寂寞者願贖隨之任去留老人異膳况病後且

潔飲饌殊常羞天之生我或有意此番不死知之矣  
顛倒是非萬卷中千秋公論憑誰寄且養殘軀任運  
遊海闊天空何芥蒂



送張慈長南歸

羲皇一畫開先天。倉聖鴻濛鳥跡傳。九章作繪勳華  
先。傅巖入夢肖形焉。麟閣雲臺將相翩。長康阿堵得  
神全。後來曹霸差比肩。君家僧繇踞其巔。點睛飛龍  
出九淵。君繩家學藝更專。杖屨長安似偃佺。王公倒  
屣加敬虔。投縞贈紵車騎聯。於戲噫嘻丈夫七尺自  
巍然。何不圖形掛凌烟。強將面目比嬋娟。塗脂抹粉  
巧人憐。豈真癡骨待皮妍。能使尋常行路便。英賢不  
然胡爲屨滿戶。限穿君家玉樹拂雲邊。一日千里待



松。鶴。山。房。言。集。  
騰。騫。不。爲。豪。家。寫。風。鳶。却。與。老。醜。偏。作。綠。畫。我。松。下。  
揮。七。絃。冷。冷。三。峽。聽。流。泉。我。居。水。村。遠。市。塵。擬。君。喬。  
梓。長。周。旋。曲。水。流。觴。醉。後。眠。君。忽。望。雲。歸。思。牽。便。欲。  
促。裝。問。鱸。尊。我。得。隨。君。甘。執。鞭。樊。籠。羈。困。徒。悵。悵。君。  
歸。龍。灘。好。扣。舷。名。流。投。贈。詩。百。篇。携。祝。萱。花。千。萬。年。  
萊。衣。遶。膝。共。翩。躚。不。須。更。羨。地。行。仙。請。君。揮。翰。染。雲。  
箋。便。寫。華。堂。慶。壽。筵。



